

नमो नमो निम्मल दसणरस्य

# आगमसुत्ताणि



४२

दसवेयालिअं

तदमं मूलसुतं

संसोहय-संपायग

निपुण निर्यामिड पू. मुनिराज श्री सुधर्म सागररु म. ना शिष्य

मुनि दीपरत्नसागर

બાલ્ય બ્રહ્મચારી શ્રી નેમિનાથાય નમઃ

નવો નવો નિષ્કલ દંતગણ

શ્રી આનંદ-ક્ષમા-લલિત-સુશીલ-સુધર્મસાગરગુરુત્થો નમઃ

# ૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી યજ્ઞરાજ સાહેબના શિષ્ય

## મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઠ સુદ : ૬

૪૫ આગમના સેટની કિંમત - રૂ. ૧૫૦૦/-  
(ભાવે આગમ-કાર્ય ખાતે)

આગમ શ્રુત પ્રકાશન

મુદ્રક

નવપ્રભાત પ્રિન્ટીંગ પ્રેસ ધીકાંટારોડ, અમદાવાદ.

કુમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,  
શાહીબાગ, અમદાવાદ.

[2]

## આર્થિક અનુદાન ઠાતા

### ૪૫ આગમમાં મુખ્ય દ્રવ્ય સહાયક

મિષ્ટભાષી કમણીવર્મા શ્રી સૌમ્યગુણાશ્રીજીની પ્રેરણાથી

હ મ્મ ર્ સુ લ્લ વુ રા મી શ મ ક્ષો પ સિ કા

**શ્રીમતી નયનાબેન રમેશચંદ્ર શાહ - સપરિવાર [વડોદરા]**

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજ્ઞાશ્રીજીના ૪૫ આગમના ૪૫ ઉપવાસ નિમિત્તે શા. કે. બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજ્ઞાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછ્રીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વીંછ્રીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી ખેરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુચિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્વે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગવ્ઘા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈવાચ્યપરાયણા શ્રમણીવર્ષા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીલ સૂત્ર માટે]

● ૪૫ - સાગમ છેલ્લે-સોજલા પ્રાહક - દાતા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદાસના પ્રેરક સૌજ્યથી

૧. શ્રીમતી ગુણીબેન જ્ઞાનંદભાઈ સી. કોકારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુડા, હાલ-મદ્રાસ
૫. શ્રીમતી નિર્મલાબેન જ્યંતિભાઈ એસ. મહેતા, ધાન, હાલ-મદ્રાસ
૬. શ્રીમતી મપુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા મોહરત્નાશ્રીજી તથા સા શ્રી સમજાશ્રીજીની પ્રેરણાથી - હાલ પ્રુખિયાવાળા

૧ ક્રાંતિલાલ હજારીલાલ ચોવટીયા

૨ સંઘવી રાનલાલ ભગવાનદાસ રાકોડ

૩ મધુમતી રાજેષ રેદાસની

૪ સરલાબેન રમેશચંદ્ર વોરા

૫ સુમનભાઈ બાલચંદજી ચોરડીયા

૬ અ.સૌ. હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જામવંચલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજાશ્રીજીની પ્રેરણાથી શ્રી અજિતનાથ - મંદિર શ્રી. મૂર્તિ સંઘના શ્રાવિકાબહેનો નંદુરબાર

૪ સા. સમજાશ્રીજીની પ્રેરણાથી - શાહ યુનિલાલજી શિવલાલજી, સોનગીર

૫ સુખડીયા અત્રભુજ જગમોહનદાસ હ. વીરાભાઈ - ધોરાજી

૬ શાહ મન્તાલાલ ફકીરચંદ, વિધિકારક (ડભોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણાશ્રીજીની પ્રેરણાથી શ્રીમતી જાસુદબેન લક્ષ્મીચંદ મેતા, હ. ઈન્દુભાઈ ઘમાણી, સુરત

૯ સા. શ્રી મોહરત્નાશ્રીજીની પ્રેરણાથી સ્વ. સોમચંદ બોયાભાઈ પરિવાર હ. બાલુબેન, રામપુરા

૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુષી સા. શ્રી સુતારાશ્રીજી જામનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નચનાબેન, વડોદરા

૧૨ સંગીતા અજમેરીયા - ચોરબી

● ૪૫ આમએડ લોજના-જામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા

૪. સા. શ્રી સમજાશ્રીજીની પ્રેરણાથી - ચંદિકાબેન મહેશભાઈ શાહ, વડોદરા

૫. સા. શ્રી મોહરત્નાશ્રીજીની પ્રેરણાથી ગં. સ્વ. વસંતબેન તંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

[१]

## गंधाणुक्कम

क्रम	अन्वयणं	वहेसक	सुतं	गाहा	अणुक्कम	पिट्ठंको
१	दुमपुफिया	-	-	१-५	१-५	२-
२	सामनपुव्वयं	-	-	६-१६	६-१६	२-३
३	खुडिहयायारकड़ा	-	-	१७-३१	१७-३१	३-४
४	छज्जीयणिया	-	१-१५	३२-५९	३२-७५	४-८
५	पिंडेसणा	२	-	६०-२०९	७६-२२५	८-१७
६	महायारकहा	-	-	२१०-२७७	२२६-२९३	१७-२१
७	वक्कसुडि	-	-	२७८-३३४	२९४-३५०	२१-२४
८	आयारपणिही	-	-	३३५-३९८	३५१-४१४	२४-२७
९	विनयत्तमाहि	४	१६-२०	३९९-४६०	४१५-४८४	२७-३२
१०	स-भिक्खु	-	-	४६१-४८१	४८५-५०५	३२-३३
	घूलिया					
१	इवक्का	-	२१-	४८२-४९९	५०६-५२४	३३-३४
२	पिदिसाचरिया	-	-	५००-५१५	५२५-५४०	३४-३५

## परिसिट्ठ-निदंसणं

क्रम	परिसिट्ठं	पिट्ठंको
१	विसयाणुक्कमो	८
२	विसिट्ठसहाणुक्कमो	८
३	विसेस नाभाणुक्कमो	८
४	गाहाणुक्कमो	८
५	सुत्ताणुक्कमो	८

नमो नमो निम्नत दंतपत्त  
पंचम गणधर श्री सुधर्मात्मामिने नमः

## ४२ दसवेआलियं

तइअं मूल सुतं

पठमं अज्जयणं—दुमपुफिया

- (१) धम्मो मंगलमुक्किहं अहिंसा संजमो तबो  
देवा वि तं नमसंति जस्स धम्मे सया मणो ॥११॥-१
- (२) जहा दुमस्स पुफ्फेसु भमरो आवियइ रसं  
न य पुफ्फं किलामेइ सो य पीणेइ अप्पयं ॥२॥-२
- (३) एमेए समणा मुत्ता जे लोए संति साहुणो  
विहंगमा य पुफ्फेसु दाणमत्तेसणे रथा ॥३॥-३
- (४) वयं च विट्ठिं लब्धामो न य कोइ उवहम्मइ  
अहागडेसु रीयंते पुफ्फेसु भमरा जहा ॥४॥-४
- (५) महुकारसमा बुद्धा जे भवंति अणिसिया  
नाणापिंडरया दंता तेण वुच्चंति साहुणो ति बेमि ॥५॥-५

● पठमं अज्जयणं सप्तं ●

बीअं अज्जयणं—सामण्णपुव्वयं

- (६) कहं नु कुआ सामण्णं जो कामे न निवारए  
पए पए विसीयंतो संकप्पस्स वसं गओ ॥६॥-१
- (७) वत्थगंधमल्लंकारं इत्थीओ सयणाणि य ।  
अच्छंदा जे न भुंजंति न से चाइ ति वुच्चइ ॥७॥-२
- (८) जे य कंते पिए मोण लद्धे विपिट्ठि कुव्वइ ।  
साहीणे चयइ भोए से हु चाइ ति वुच्चइ ॥८॥-३
- (९) समाइ पेहाइ परिव्वयंतो सिया मणो निस्सरई बहिद्धा।  
न सा महं नोवि अहं पि तीसे इधेव ताओ विणइज्ज रागं ॥९॥-४
- (१०) आयावयाही चय सोगमल्लं कामे कमाहि कमियं खु दुक्खं ।  
ठिंदाहि दोसं विणइज्ज रागं एवं सुही होहिंसि संपराए ॥१०॥-५
- (११) पक्खं दे जलियं जोइं धूमकेउं दुरासयं ।  
नेच्छंति वंतयं भोत्तुं कुले जाया अगंधणे ॥११॥-६
- (१२) धिरत्थु तेऽजसो कामी जो तं जीवियकारणा ।  
वंतं इच्छसि आवेउं सेयं ते मरणं भवे ॥१२॥-७
- (१३) अहं च भोगरायस्स तं वऽसि अंधगवण्हणो ।  
मा कुले गंधणा होमो संजमं निहुओ चर ॥१३॥-८

- (१४) जइ तं काहिसि भावं जा जा दिच्छसि नारिओ ।  
वायाविद्धो व्व हडो अड्डिअप्पा भविस्ससि ॥१४॥-०
- (१५) तीसे सो वयणं सोच्चा संजयाइ सुभासियं ।  
अंकुसेण जहा नागो धम्मे संपड्डिवाइओ ॥१५॥-१०
- (१६) एवं करंति संबुद्धा पंडिया पवियक्खणा ।  
विणियहंति भोगेसु जहा से पुरिसुत्तमो - ति बेमि ॥१६॥-११

● बीअं अञ्जयणं समत्तं ●

**तइयं अञ्जयणं—खुहियायारकहा**

- (१७) संजमे सुड्डिअप्पाणं विप्पमुक्काण ताइणं ।  
तेसिनेयमणाइण्णं निग्गंधाण महेसिणं ॥१७॥-१
- (१८) उहेसियं कीयगडं निवागमभिहडाणि य ।  
राइभत्ते सिणाणे य गंधमल्ले य बीयणे ॥१८॥-२
- (१९) संनिही गिहिनत्ते य रायपिंडे किमिच्छए ।  
संबाहणा दंतपहोयणा य संपुच्छणा देहपलोयणा य ॥१९॥-३
- (२०) अट्टावए य नालीए छत्तस्त य धारणट्टाए ।  
तेगिच्छं पाहणा पाए समारंभं च जोइणो ॥२०॥-४
- (२१) सेआयरपिंडं च आसंदीपलियंकए ।  
गिहंतरनिसेआ य गायस्सुव्वट्टाणाणि य ॥२१॥-५
- (२२) गिहिनो वेयावडियं जा य अजीववत्तिया ।  
तत्तानिव्वुडभोइत्तं आउरस्सरणाणि य ॥२२॥-६
- (२३) मूलए सिगबेरे य उव्वुखंडे अनिव्वुडे ।  
कंदे मूले य सधित्ते फले बीए य आमए ॥२३॥-७
- (२४) सोवच्चले सिघवे लोणे रूमालोणे य आमए ।  
सामुट्टे पंसुखारे य कालालोणे य आमए ॥२४॥-८
- (२५) धुवणेत्ति वमणे य वत्थीकम्मविरेयणे ।  
अंजणे दंतवणे य गायळंगविभूसणे ॥२५॥-९
- (२६) सव्वमेयमणाइण्णं निग्गंधाण, महेसिणं ।  
संजमम्मि य जात्तणं लहुमूयविहारिणं ॥२६॥-१०
- (२७) पंचासवपरिन्नाया तिगुत्ता छसु संजया  
पंचनिग्गहणा धरा निग्गंधा उज्जुदंसिणो ॥२७॥-११
- (२८) आयावयंति गिन्हेसु हेमंतेसु अवाउडा ।  
वात्सासु पडिसंलीणा संजया सुसमाहिया ॥२८॥-१२
- (२९) परीसहरिऊदंता धूयमोहा जिइदिया ।  
सव्वदुक्खपहीणट्टा पक्कमंति, महेसिणो ॥२९॥-१३
- (३०) दुक्कराइं करित्तणं दुस्साइं सभित्तु य ।  
कइ त्य देवलोपसु केइ सिज्जाति नीरया ॥३०॥-१४



(३०) खविता पुव्वकम्माइ संजमेण तवेण य ।

सिद्धिमग्गमणुपत्ता ताइणे परिनिवुडा ॥ ति बेमि

॥३१॥-15

● तइयं अज्झयणं सक्कं ●

### चउत्थं अज्झयणं—छञ्जीवणिया

(३२) सुयं मे आउसं तेणं भगवया एयमक्खायं इह खलु छञ्जीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नत्ता सेयं मे अहिज्जिउं अज्झयणं धम्मपन्नती । कयरा खलु सा छञ्जीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नत्ता सेअं मे अहिज्जिउं अज्झयणं धम्मपन्नती,

इमा खलु सा छञ्जीवणिया नामज्झयणं समणेणं भगवया महावीरेणं कासवेणं पवेइया सुअक्खाया सुपन्नत्ता सेअं मे अहिज्जिउं अज्झयणं धम्मपन्नती तं जहा-पुढविकाइया आउकाइया तेउकाइया वाउकाइया वणस्सइकाइया तसकाइया, पुढवी चित्तमंतमक्खाया अनेगजीवा पुढोसत्ता अन्नत्थ सत्यपरिणएणं आऊ चित्तमंतमक्खाया अनेगजीवा पुढोसत्ता अन्नत्थ सत्यपरिणएणं तेऊ चित्तमंतमक्खाया अनेगजीवा पुढोसत्ता अन्नत्थ सत्यपरिणएणं वाऊ चित्तमंतमक्खाया अनेगजीवा पुढोसत्ता अन्नत्थ सत्यपरिणएणं वणस्सइ चित्तमंतमक्खाया अनेगजीवा पुढोसत्ता अन्नत्थ सत्यपरिणएणं तं जहा-अग्गवीया, मूलवीया, पोरबीया, खंधवीया, वीयरूहा, समुच्छिमा, तणलया, वणस्सइकाइया सबीया चित्तमंतमक्खाया अनेगजीवा, पुढोसत्ता, अन्नत्थ सत्यपरिणए से जे पुण इमे अनेगे बहवे तसा पाणा तं जहा-अंडया, पोयया, जराउया, रसया, संसेइमा, संमुच्छिमा, उब्बिया उयावइया, जेसिं केसिं च पाणाणां अमिक्कंतं पडिक्कंतं, संकुचियं पसारियं, रूयं, भंतं, तसियं, पलाइयं, आगइगइवित्राया, जे य कीडपयंग जा य कुंयुपिपीलिया, सव्वे बेइदिया, सव्वे तेईदिया, सव्वे चउरिंदिया,, सव्वे पंचिंदिया, सव्वे तिरिक्खजोणिया सव्वे नेरइया, सव्वे मणुआ, सव्वे देवा, सव्वे पाणा, परमाहम्मिआ, एसो खलु छट्ठो जीवनिक्काओ तसकाओ ति पवुइइ 191-1

(३३) इच्चैसिं छण्हं जीवनिक्कायाणं नेव सयं दंडं समारंभेअ नेवत्तेहिं दंडं समारंभावेअ, दंडं समारंभंते वि अत्रे न समणुजाणेअ, जावञ्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स भंते पडिक्कमामि निंदांमि गरिहामि अप्पाणं वोसिरामि । ३।-2

(३४) पढमे भंते महव्वए पाणाइवायाओ वेरमणं सव्वं भंते पाणाइवायं पच्चक्खामि से मुहुमं वा, बायरं वा, तसं वा, थावरं वा, नेव सयं पाणे अइवाण्णअ, नेवऽप्रेहिं पाणे अइवायावेअ, पाणे अइवायंतेऽवि अत्रे न समणुजाणामि, जावञ्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि, तस्स भंते पडिक्कमामि निंदांमि गरिहामि अप्पाणं वोसिरामि । पढमे भंते महव्वए उवद्धिओमि सव्वाओ पाणाइवायाओ वेरमणं । ३।-3

(३५) अहावरे दोच्चे भंते ! महव्वए मुसावायाओ वेरमणं सव्वं भंते ! मुसावायं पच्चक्खामि से कोहा वा, लोहा वा, भया वा, हासा वा नेव सयं मुसं वण्णअ नेवऽप्रेहिं मुसं वायावेअ, मुसं वयंते वि अत्रे न समणुजाणामि जावञ्जीवाए, तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स भंते ! पडिक्कमामि निंदांमि गरिहामि अप्पाणं

वोसिरामि । दोहो मंते म हव्वए उवड्ढिओमि सव्वाओ मुसावायाओ वेरमणं ।४। -४

(३९) अहावरो तद्धो मंते ! महव्वए ? अदित्रादाणाओ वेरमणं । सव्वं मंते ! अदित्रदाणं पच्चक्खामि । से गामे वा, नगरे वा, अरन्ने वा, अप्यं वा, बहुं वा, अणुं वा, थूलं वा चित्तमंतं वा, अचित्तमंतं वा, नेव सयं अदित्रं गिण्हिज्जा, नेवऽत्रेहिं अदित्रं गिण्हयिज्जा, अदित्रं गिण्हन्ते वि अत्रे न समणुजाणामि; जावज्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स मंते ? पडिक्कमामि निंदामि गरिहामि अप्पाणं वोसिरामि तद्धो मंते ! महव्वए उव ड्ढिओमि सव्वाओ अदित्रादाणाओ वेरमणं ।५। -५

(३७) अहावरो चउत्थे मंते ! महव्वए मेहुणाओ वेरमणं । सव्वं मंते ! मेहुणं पच्चक्खामि । से दिव्वं वा, माणुसं वा, तिरिक्खज्जोणियं वा, नेव सयं मेहुणं सेविज्जा, नेवत्रेहिं मेहुणं सेवाविज्जा, मेहुणं सेवंते वि अत्रे न समणुजणामि । जावज्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स मंते ! पडिक्कमामि निंदामि गरिहामि अप्पाणं वोसिरोमि । चउत्थे मंते ! महव्वए उवड्ढिओमि सव्वाओ मेहुणाओ वेरमणं ।६। -६

(३८) अहावरो पचमे मंते ! महव्वए परिग्गहाओ वेरमणं । सव्वं मंते ! परिग्गहं पच्चक्खामि । से अप्यं वा, बहुं वा, अणुं वा थूलं वा चित्तमंतं वा अचित्तमंतं वा । नेव सयं परिग्गहं परिगिण्हिज्जा, नेवत्रेहिं परिग्गहं परिगिण्हयिज्जा, परिग्गहं परिगिण्हन्ते वि अत्रे न समणुजाणिज्जा । जावज्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स मंते ! पडिक्कमामि निंदामि गरिहामि अणां वोसिरामि । पंचमे मंते महव्वए उवड्ढिओमि सव्वाओ परिग्गहाओ वेरमणं ।७। -७

(३९) अहावरो छट्ठे मंते ! वए राईभोअणाओ वेरमणं । सव्वं मंते ! राईभोयणं पच्चक्खामि से असणं वा पाणं वा, खाइमं वा साइमं वा । नेव सयं राई भुंजिज्जा नेवत्रेहिं राई भुंजाविज्जा, राई भुंजंतेऽवि अत्रे न समणुजाणामि । जावज्जीवाए, तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स मंते पडिक्कमामि निंदामि गरिहामि अप्पाणं वोसिरामि । छट्ठे मंते वए उवड्ढिओमि सव्वाओ राईभोअणाओ वेरमणं ।८। -८

(४०) इच्चैइयाइं पंच महव्वयाइं राईभोअणवेरमणछट्ठाइं अत्तहियड्ढियाए उवसंपज्जिता णं विहरामि ।९। -९

(४१) से भिक्खू वा भिक्खुणी वा संजयविरयपडिहयपच्चक्खायपावकम्मे दिआ वा राओ वा एगओ वा परिसागओ वा सुत्ते वा जागरमाणे वा से पुड्ढिं वा भित्ति वा सिलं वा लेतुंवा ससरक्खं वा कायं ससरक्खं वा वत्थं हत्थेण वा पाएण वा कट्ठेण वा किलिंवेण वा अंगुलियाए वा सलागए वा सलागहत्थेण वा न आलिहेज्जा न विलिहेज्जा न घट्टेज्जा न भिंदेज्जा अत्रं न आलिहावेज्जा न विलिहावेज्जा न पड्ढावेज्जा न भिदावेज्जा । अत्रं आलिहंतं वा विलिहंतं वा घट्टंतं वा भिंदंतं वा न समणुजाणिजा । जावज्जीवाए तिविहं तिविहेणं मणेणं वायाए काएणं न करेमि न कारवेमि करंतं पि अत्रं न समणुजाणामि । तस्स मंते ! पडिक्कमामि निंदामि गरिहामि अप्पाणं वोसिरामि ।१०। -१०

(४२) से भिक्खू वा भिक्खुणी वा संजयविरयपडिहयपच्चक्खायपावकम्मे, दिआ वा, राओ वा, एगओ वा, परिसागओ वा, सुत्ते वा, जागरमाणेवा, से उदगं वा, ओसं वा, हिमं वा, भहियं वा, करगं वा, हरतणुगं वा, सुद्धंदां वा, उदउल्लं वा कायं, उदउल्लं वा वत्थं, ससिणिद्धो वा कायं, ससिणिद्धं वा वत्थं न आपुसेज्जा, न संपुसेज्जा, न आवीलेज्जा, न पवीलेज्जा, न अक्खोडज्जा, न

पक्खोडजा, न आयावेजा, न पयावेजा, अन्नं न आमुसावेजा, न संफुसावेजा, न आयीलावेजा, न पयीलावेजा, न अक्खोडावेजा, न पक्खोडावेजा, न आयावेजा, न पयावेजा, अन्नं आमुसंतं वा, संफुसंतं वा, आवेलंतं वा, पवीलंतं वा, अक्खोडंतं वा, पक्खोडंतं वा, आयावंतं वा, पयावंतं वा न समणुजाणिजा, जावज्जीवाए, तिविहं तिविहेणं मणेणं बायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पडिक्कमामि निंदामि गरिहामि अप्पाणं वोसिरामि

1991-11

(४३) से भिक्खू वा, भिक्खुणी वा, संजयविरयपडिहयपच्चक्खायपावकम्मे, दिआ वा, राओ वा, एगओ वा, परिसागओ वा, सुते वा, जागरमाणे वा, से अगणि वा इंगलं वा, पुसुरं वा, अद्धि वा, जालं वा, अल्लयं वा, सुद्धगणि वा, उक्कं वा, न उंजेजा, न घट्टिजा, न भिदेजा, न उज्जालेजा, न पज्जलेजा, न निव्वावेजा, अन्नं न उंजावेजा, न घट्टावेजा, न भिंदावेजा, न उज्जालावेजा, न पज्जालावेजा, न निव्वावेजा, अन्नं उंजंतं वा, घट्टंतं वा, भिंदंतं वा, उज्जालंतं वा, पज्जालंतं वा, निव्वावंतं वा, न समणुजाणिजा जावज्जीवाए तिविहं तिविहेणं मणेणं बायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पडिक्कमामि निंदामि गरिहामि अप्पाणं वोसिरामि 19२1-12

(४४) से भिक्खू वा, भिक्खुणी वा, संजयविरयपडिहयपच्चक्खायपावकम्मे, दिआ वा, राओ वा, एगओ वा, परिसागओ वा, सुते वा, जागरमाणे वा, से सिएण वा, विहुयणेण वा, तालियंटेण वा, पतेण वा, पत्तमंगेण वा, साहाए वा, साहाभंगेण वा, पिहुणेण वा, पिहुणहत्थेण वा, चैलेण वा, चेलकत्थेण वा, हत्थेण वा, मुहेण वा, अप्पणो वा कायं, बाहिरं वा वि पुगलं न फुमेजा, न वीएजा, अन्नं न फुमावेजा, न वीआवेजा, अन्नं फुमंतं वा, वीअंतं वा न समणुजाणिजा जावज्जीवाए तिविहं तिविहेणं मणेणं बायाए काएणं न करेमि न कारवेमि करंतं पि अन्नं न समणुजाणामि । तस्स भंते ! पडिक्कमामि निंदामि गरिहामि अप्पाणं वोसिरामि 19३1-13

(४५) से भिक्खू वा, भिक्खुणी वा, संजयविरयपडिहयपच्चक्खायपावकम्मे, दिआ वा, राओ वा, एगओ वा, परिसागओ वा, सुते वा, जागरमाणे वा, से बीएसु वा, बीयपइडेसु वा, रूडेसु वा, रूडपइडेसु वा, जाएसु वा, जायपइसु वा, हरिपइडेसु वा, हरियपइडेसु वा छिन्नेसु वा, छिन्नपइडेसु वा, सचितेसु वा, सचितकोलपडिनिस्सएसु वा न गच्छेजा, न चिडेजा, न निसीइजा, न तुअद्धिज्जा, अन्नं न गच्छावेजा, न चिह्वावेजा, न निसीआवेजा; न तुअइवावेजा, अन्नं गच्छंतं वा, चिह्वंतं वा, निसीअंतं वा, तुयट्टंतं वा न समणुजाणामि जावज्जीवाए तिविहं तिविहेणं मणेणं बायाए काएणं न करेमि न कारवेमि करंतं पि अन्नं न समणुजाणामि तस्स भंते पडिक्कमामि निंदामि गरिहामि अप्पाणं वोसिरामि 19४1-14

(४६) से भिक्खू वा, भिक्खुणी वा संजयविरयपडिहयपच्चक्खायपावकम्मे, दिआ वा, राओ वा, एगओ वा, परिसागओ वा, सुते वा, जागरमाणे वा, से कीडं वा, पर्यंगं वा, कुंयुं वा, पिपीलियं वा, हत्थंसि वा, पायंसि वा, बाहुंसि वा, उरुंसि वा, उदरंसि वा, सीसंसि वा, बत्थंसि वा, पडिग्गहंसि वा कंबलंसि वा, पायपुंछणंसि वा, रयहरणंसि वा, गुच्छगंसि वा, उंढगंसि वा, दंडगंसि वा, पीदगंसि वा, फलगंसि वा, सेजंसि वा, संथारगंसि वा, अन्नपरंसि वा तह्मपगारे उवगरणजाए तओ संजयामेव पडिलेहिय पडिलेहिय पमज्जिय पमज्जिय एगंतमवणेजा, नो णं संघायमावजेजा

19५1-15

- (४७) अजयं चराणो अ, पाणभूयाइं हिंसइ ।  
बंधइपावयं कम्मं तं से होइ कहुयं फलं ॥३२॥-१
- (४८) अजयं चिद्धमाणो उ, पाणभूयाइं हिंसइ ।  
बंधइ पावयं कम्मं तं से होइ कहुयं फलं ॥३३॥-२
- (४९) अजयं आसमाणो उ, पाणभूयाइं हिंसइ ।  
बंधइ पावयं कम्मं, तं से होइ कहुयं फलं ॥३४॥-३
- (५०) अजयं सयमाणो उ, पाणभूयाइं हिंसइ ।  
बंधइ पावयं कम्मं, तं से होइ कहुयं फलं ॥३५॥-४
- (५१) अजयं भुंजमाणो उ, पाणभूयाइं हिंसइ ।  
बंधइ पावयं कम्मं, तं से होइ कहुयं फलं ॥३६॥-५
- (५२) अजयं भासमाणो उ, आणभूयाइं हिंसइ ।  
बंधइ पावयं कम्मं, तं से होइ कहुयं फलं ॥३७॥-६
- (५३) कहं चरे कहं चिद्धे, कहमासे कहं सए ।  
कहं भुंजतो, भासंतो, पावकम्मं न बंधइ ॥३८॥-७
- (५४) जयं चरे जयं चिद्धे, जयमासे जयं सए ।  
जयं भुंजतो भासंतो, पावकम्मं न बंधइ ॥३९॥-८
- (५५) सव्वभूयप्पभूयस्स, सम्मं भूयाइ पासजो ।  
पिहिआसवस्त दंतस्स, पावकम्मं न बंधइ ॥४०॥-९
- (५६) पढमं नाणं तओ दया, एवं चिद्धइ सव्वसंजए ।  
अत्राणी किं काही, किंवा नाही इछेयपावणं ॥४१॥-१०
- (५७) सोच्चा जाणाइ कल्लणं, सोच्चा जाणइ पावणं ।  
उभयं पि जाणइ सोच्चा, जं छेयं तं समायरे ॥४२॥-११
- (५८) जो जीवे वि न याणइ, अजीवे वि न याणइ ।  
जीवाजीवे अयाणंतो, कहं सो नाहीइ संजमं ॥४३॥-१२
- (५९) जो जीवे वि वियाणाई, अजीवे वि वियाणइ ।  
जीवाजीवे वियाणंतो, सो हु नाहीइ संजमं ॥४४॥-१३
- (६०) जया जीवमजीवे य, दीवि एए वियाणाई ।  
तया गइं बहुविहं, सव्वजीवाणजाणइ ॥४५॥-१४
- (६१) जया गइं बहुविहं, सव्वजीवाण जाणइ ।  
तया पुन्नं च पायं च, बंधं मुख्खं च जाणइ ॥४६॥-१५
- (६२) जया पुन्नं च पायं च, बंधं मुख्खं च जाणइ ।  
तया-निविदए भोए, जे दिव्वे जे य माणुसे ॥४७॥-१६
- (६३) जया निविदए भोए, जे दिव्वे जे य माणुसे ।  
तया चयइ संजोगं, सक्कितरं बाहिरं ॥४८॥-१७
- (६४) जया चयइ संजोगं, सक्कितरं बाहिरं ।  
तया मुंठे भवित्ताणं, पव्वइए अणगारियं ॥४९॥-१८

- (६५) जया मुंडे भविताणं, पव्वइए अणगारियं ।  
तया संवरमुक्किकडं, धम्मं फासे अनुत्तरं ॥५०॥-19
- (६६) जया संवरमुक्किकडं, धम्मं फासे अनुत्तरं ।  
तया धुणइ कम्मरयं, अबीहिकलुसं कडं ॥५१॥-20
- (६७) जया धुणइ कम्मरयं अबीहिकलुसं कडं ।  
तया सव्वत्तगं नाणं, देसणं चाभिगच्छई ॥५२॥-21
- (६८) जया सव्वत्तगं नाणं, देसणं चाभिगच्छई ।  
तया लोगमलोगं च, जिणो जाणइ केवली ॥५३॥-22
- (६९) जया लोगमलोगं च, जिणो जाणइ केवली ।  
तयो जोगे निरुंभित्ता, सेलेसि पडिवज्जइ ॥५४॥-23
- (७०) जया जोगे निरुंभित्ता, सेलेसि पडिवज्जइ ।  
तया कम्म खवित्ताणं, सिद्धिं गच्छइ नीरओ ॥५५॥-24
- (७१) जया कम्म खवित्ताणं, सिद्धिं गच्छइ नीरओ ।  
तया लोगमत्थयत्थो, सिद्धो हवइ सासओ ॥५६॥-25
- (७२) सुहसायगस्स समणास्स, सायाउलगस्स निगामसाइस्स ।  
उच्छोलणापहोइस्स, दुल्लहा सुगई तारिसगस्स ॥५७॥-26
- (७३) तवोगुणपहाणस्स, उज्जुमइ खंतिसंजमरयस्स ।  
परीसहे जिणंतस्स, सुलहा सुगई तारिसगस्स ॥५८॥-27
- (७४) [पच्छा वि ते पयाया, खिप्पं गच्छति अमरमवणाइं ।  
जेसिं पिओ तवो संजमो अ खंती अ वंभवेरं च] [प.] प.1
- (७५) इद्धेयं छज्जीवणिअं, सम्महिट्ठी सया जए ।  
दुल्लहं लहित्तुं सामन्नं, कम्मणा न विराहेज्जासि ॥५९॥-२८ तिवेमि

● वडत्वं अज्जयणं समत्तं ●

### पंचमं अज्जयणं—पिंडेसणा

—: प ढ मो— उ हे सो :—

- (७६) संपत्ते भिक्खकालम्भि, असंमतो अमुच्छिओ ।  
इमेण कम्मजोगेण, भत्तपाणं गवेसए ॥६०॥-1
- (७७) से गामे वा नगरे वा, गोयरगगओ मुनी ।  
चरे मंदमणुव्विग्गो, अव्वक्खित्तेण वेपसा ॥६१॥-2
- (७८) पुरओ जुगमायाए, पेहमाणो महिं चरे ।  
वज्जंतो बीयहरियाइं, पाणे अ दगमट्ठिअं ॥६२॥-3
- (७९) ओवायं विसमं खाणु, विज्जलं परिवज्जए ।  
संकमेण न गच्छेज्जा, विज्जवमाणे परक्कमे ॥६३॥-4
- (८०) पवडंते व से तत्थ, पक्खलंते व संजाए ।  
हिंसेज्जा पाणभूयाइं, तसे अदुव थावरे ॥६४॥-5

(८१)	तन्हा तेण न गच्छेज्जा, संजए सुसमाहिए । सइ अन्नेणण मग्गेण, जयमेव परक्कमे	॥६५॥-६
(८२)	इंगालं छारियं रासिं, तुसरारसिं च गोद्यमं । ससरक्खेहिं पाएहिं, संजओ तं नइक्कमे	॥६६॥-७
(८३)	न चरेज्ज वासे वासंते, महियाए व पडंतिए । महावाए व वायंते, तिरिच्छसंपाइमेसु वा	॥६७॥-८
(८४)	न चरेज्ज वेससामंते, बंभचेरवसाणुए । बंभयारिस्सदंतस्स, होज्जा तत्थ विसोत्तिआ	॥६८॥-९
(८५)	अणायणे चरंतस्स, संसग्गीए अभिक्खणं । होज्ज वयाणं पीला, सामण्णम्मि य संसओ	॥६९॥-१०
(८६)	तन्हा एवं वियाणित्ता, दोसं दुग्गइवड्ढणं । वज्जए वेससामंतं, मुनी एगंतमस्सिए	॥७०॥-११
(८७)	साणं सुव्वअं गाविं, दित्तं गोणं हयं गयं । संडिब्भं कलहं जुद्धं, दूरओ परिवज्जए	॥७१॥-१२
(८८)	अणुत्रए नावणए अप्पहिद्धे अप्पाउले । इंदियाणि जहामायं, दमइत्ता मुनी घरे	॥७२॥-१३
(८९)	दवदवस्स न गच्छेज्जा, मासमाणो य गोअरे । हसंतो नाभिगच्छेज्जा, कुलं उच्चाचयं सया	॥७३॥-१४
(९०)	आलोयं थिग्गलं दारं, संधिदगभवणाणि य । चरंतो न विणिज्जाए, संकट्टाणं विवज्जए	॥७४॥-१५
(९१)	रओ गिहवईणं च, रहस्सारक्खियाण य । संकिलेसकरं ठाणं, दूरओ परिवज्जए	॥७५॥-१६
(९२)	पडिक्कुडुं कुल न पविसे, मामगं परिवज्जए । अचियत्त कुलं न पविसे, चियत्तं पविसे कुलं	॥७६॥-१७
(९३)	साणीपावारपिहियं, अप्पणा नावपंगुरे । कवाडं नो पणोल्लिज्जा, उग्गहंसि अजाइआ	॥७७॥-१८
(९४)	गोअरग्गपविट्ठो उ, वच्चमुत्तं न धारए । ओगासं फासुअं नच्चा, अणुत्रविय वोसिरे	॥७८॥-१९
(९५)	नीय दुवारं तमसं, कोट्टगं परिवज्जए । अचक्खुविसओ जत्थ, पाणा दुप्पडिलेहगा	॥७९॥-२०
(९६)	जतत्थ पुप्फाइं बीआइं, विप्पइत्ताइं कोट्टए । अहणोवत्तित्तं उल्लं दइणं परिवज्जए	॥८०॥-२१
(९७)	एलगं दारगं साणं, वच्छगं वा वि कोट्टए । उल्लंधियान पविसे विउह्तिताण द संजए	॥८१॥-२२
(९८)	असंसत्तं पलोएज्जा, नाइदूरावलोयए । उप्फुल्लं न विनिज्जाए, नियद्धिज्ज अर्यंपिरो	॥८२॥-२३

- (९९) अद्भूमिं न गच्छेज्जा, गोअरपगओ मुनी  
कुलस्स भूमिं जाणित्ता, भियं भूमिं परक्कमे ॥८३॥-24
- (१००) तत्थेव पडिलेहेज्जा भूमिभागं वियक्खणो  
सिणाणस्स य वक्खस्स संलोमं परिवज्जए ॥८४॥-25
- (१०१) दगमट्टियआयाणे, बीयाणि हरियाणि अ ।  
परिवज्जंतो धिद्वेज्जा, सच्चिदिअ समाहिए ॥८५॥-26
- (१०२) तत्थ से चिद्वमाणस्स, आहारे पाणाभोयणं ।  
अकप्पिअं न इच्छेज्जा, पडिगाहेज्ज कप्पिअं ॥८६॥-27
- (१०३) आहारंती सिया तत्थ, परिसाडेज्ज भोयाणं ।  
देतिअं पडिआइक्खे, न मे कप्पइ तारिसं ॥८७॥-28
- (१०४) संभदमाणी पाणाणि, बीआणि, हरियाणि अ ।  
असंजमकरिं नद्या, तारिसिं परिवज्जए ॥८८॥-29
- (१०५) साहट्टु निक्खित्ताणं, सचित्तं घट्टियाणि य ।  
तहैव समणद्वाए, उदगं संपणोद्धिया ॥८९॥-30
- (१०६) ओगाहट्टत्ता चलइत्ता, आहारे पाणभोयणं ।  
देतियं पडियाइक्खे, न मे कप्पइ तारिसं ॥९०॥-31
- (१०७) पुरेकम्मणे हत्थेण, दब्बीए भायणेण वा ।  
देतियं पडिआइक्खे, न मे कप्पइ तारिसं ॥९१॥-32
- (१०८) एयं उदउल्ले ससिणिद्धे, ससरक्के माट्टिआओसे ।  
हरियाले हिं गुलाए, मणोस्सित्ता अंजणे लोणे ॥९२॥-33
- (१०९) गेरुअ यत्रिअ सेडिअ, सोरड्धिपिड्ढुकुकुस कए ।  
उकड्डमसंसडे संसडे चेव बोद्धव्ये ॥९३॥-34
- (११०) असंसट्टेण हत्थेणं, दब्बीए भायणेण वा ।  
दिअमाणं न इच्छिज्जा, पच्छाकम्मं जहिं भवे ॥९४॥-35
- (१११) संसट्टेण हत्थेण, दब्बीए भायणेण वा ।  
दिअमाणं पडिच्छिज्जा, जं तत्थेसणियं भवे ॥९५॥-36
- (११२) दोण्हं तु भुंजमाण्णं, एगो तत्थ निमंतए ।  
दिअमाणं न इच्छेज्जा, छंदं से पडिलेहए ॥९६॥-37
- (११३) दोण्हं तु भुंजमाण्णं, दो वि तत्थ निमंतए ।  
दिअमाणं पडिच्छिज्जा, जं तत्थेसणियं भवे ॥९७॥-38
- (११४) गुब्बिणीए उवन्नघं विविहं पाणभोयणं ।  
भुंजमाणं विदज्जेज्जा, भत्तसेसं पडिअए ॥९८॥-39
- (११५) सिया य समणद्वाए, गुब्बिणी कालमासिणी ।  
उट्टिआ वा निसीएज्जा, निसत्रा वा पुणुट्टए ॥९९॥-40
- (११६) तं भवे भत्तपाणं तु, संजयाण अकप्पिअं ।  
देतिअं पडिआइक्खे, न मे कप्पइ तारिसं ॥१००॥-41

- (११७) यणगं पिञ्जामाणी, दारगं वा कुमारिअं ।  
तं निक्खित्तु रोअंतं, आहारे पाणभोयणं ॥१०१॥-४२
- (११८) तं भवे भत्तपाणं तु, संजयाणं अकप्पियं ।  
देतिअं पडियाइक्खे, न मे कप्पइ तारिसं ॥१०२॥-४३
- (११९) जं भवे भत्तपाणं तु, कप्पाकप्पम्मि संकियं ।  
देतिअं पडिआइक्खे, न मे कप्पइ तारिसं ॥१०३॥-४४
- (१२०) दगवारए पिह्णिअं, सीसाए पीढएण वा ।  
लोढेण वा विलेवेण, सिलेसेण वा केणइ ॥१०४॥-४५
- (१२१) तं च उब्भिमदिया देज्जा, समणह्हाए व दावए ।  
देतिअं पडिआइक्खे, न मे कप्पइ तारिसं ॥१०५॥-४६
- (१२२) असणं पाणगं वावि, खाइमं साइमं तहा ।  
जं जाणेज्जा सुणेज्जा वा, दाणह्हा पगहं इमे ॥१०६॥-४७
- (१२३) तं भवे भत्तपाणं तु, संजयाणं अकप्पियं ।  
देतिअं पडिआइक्खे, न मे कप्पइ तारिसं ॥१०७॥-४८
- (१२४) असणं पाणगं वावि, खाइमं साइमं तहा ।  
जं जाणेज्जा सुणेज्जा वा, पुण्णह्हा पगहं इमं ॥१०८॥-४९
- (१२५) तं भवे भत्तपाणं तु, संजयाणं अकप्पियं ।  
दितिअं पडिआइक्खे, न मे कप्पइ तारिसं ॥१०९॥-५०
- (१२६) असणं पाणगं वावि, खाइमं साइमं तहा ।  
जं जाणेज्जा सुणेज्जा वा, दणिमह्हा पगहं इमं ॥११०॥-५१
- (१२७) तं भवे भत्तपाणं तु, संजयाणं अकप्पियं ।  
देतिअं पडिआइक्खे, न मे कप्पइ तारिसं ॥१११॥-५२
- (१२८) असणं पाणगं वावि, खाइमं साइमं तहा ।  
जं जाणेज्जा सुणेज्जा वा, समणह्हा पगहं इमं ॥११२॥-५३
- (१२९) तं भवे भत्तपाणं तु संजयाणं अकप्पियं ।  
देतियं पडिआइक्खे, न मे कप्पइ तारिसं ॥११३॥-५४
- (१३०) उद्देशियं कीयगडं, पूइकम्मं थ आहडं ।  
अण्णोयर पामिच्चं, मीसजायं च विवज्जए ॥११४॥-५५
- (१३१) उगमं से अ पुच्छेज्जा, कस्साट्ठा केण वा कडं ।  
सोद्धा निस्संकियं सुद्धं, पडिगाहेअं, संजए ॥११५॥-५६
- (१३२) असणं पाणगं वावि, खाइमं साइमं तहा ।  
पुप्फेसु होअ उम्पीसं, बीएसु हरिएसु वा ॥११६॥-५७
- (१३३) तं भवे भत्तपाणं तु, संजयाणं अकप्पियं ।  
देतियं पडिआइक्खे, न मे कप्पइ तारिसं ॥११७॥-५८
- (१३४) असणं पाणगं वा वि, खाइमं साइमं तहा ।  
उदगम्मि होअ निक्खित्तं, उत्तिगपणगेसु वा ॥११८॥-५९



- (१३५) तं भवे मत्तपाणं तु, संजयाण अकप्पिअं ।  
देतिअं पडिआइक्खे, न मे कप्पइ तारिसं ॥११९॥-६०
- (१३६) असणं पाणगं वावि, खाइमं साइमं तथा ।  
उम्मि होअ निक्खित्तं, तं च संघट्टिया दए ॥१२०॥-६१
- (१३७) तं भवे मत्तपाणं तु, संजयाण अकप्पिअं ।  
देतिअं पडिआइक्खे, न मे कप्पइ तारिसं ॥१२१॥-६२
- (१३८) एवं उस्सक्किया ओसक्किया, उज्जालिआ पज्जालिआ निब्बाविया,  
उस्सिचिया निस्सिचिया, ओवत्तिया ओवारिया दए ॥१२२॥-६३
- (१३९) तं भवे मत्तपाणं तु, संजयाण अकप्पिअं ।  
देतिअं पडिआइक्खे, न मे कप्पइ तारिसं ॥१२३॥-६४
- (१४०) होअ कट्ठं सिलं वावि, इट्ठालं या वि एगया ।  
ठविअं संकभट्टाए, तं च होअ चलाचलं ॥१२४॥-६५
- (१४१) न तेण भिक्खू गच्छेअ, दिट्ठे तत्थ असंजमो ।  
गंभीरं झुसिरं चेव, सत्थिदिअसमाहिए ॥१२५॥-६६
- (१४२) निस्सेणिं फलगं पीढं, उस्सवित्ता ण मारुहे ।  
भंचं कीलं च पासायं समणट्टाए व दावए ॥१२६॥-६७
- (१४३) दुरुहमाणी पवडेज्जा, हत्थं पायं व लूसए ।  
पुढवीजीवे वि हिंसेअ जे अ तत्रिस्सिआ जगा ॥१२७॥-६८
- (१४४) एयारिसे महादोसे, जाणिऊण महेसिणो ।  
तम्हा मालोहडं भिक्खं, न पडिगिण्हंति संजया ॥१२८॥-६९
- (१४५) कंदं मूलं पलंबं वा, आमं छिन्नं च सत्रिरं ।  
तुबागं सिंगबेरं च, आमगं परिवज्जए ॥१२९॥-७०
- (१४६) तहेव सतुचुत्ताइं, कोलचुत्ताइं आवणे ।  
सक्कुलिं फाणिअं पूअं, अन्नं वा वि तहायिहं ॥१३०॥-७१
- (१४७) विक्कयमाणं पसढं, रएणं परिफासियं ।  
देतियं पडिआइक्खे, न मे कप्पइ तारिसं ॥१३१॥-७२
- (१४८) बहुअट्ठिअं पुग्गलं, अनिमिसं वा बहुकंडयं ।  
अत्थियं तिंदुयं विल्लं, उच्छुखंडं व सिबल्लं ॥१३२॥-७३
- (१४९) अप्पे सिया भोअणजाए बहुउज्झिय धम्मिए ।  
देतिअं पडिआइक्खे, न मे कप्पइ तारिसं ॥१३३॥-७४
- (१५०) तहेवुट्ठावयं पाण, अदुया वारधोयणं ।  
संसेइमं चाउल्लोदगं, अहुणाघोयं विवज्जए ॥१३४॥-७५
- (१५१) जं जाणेअ चिराधोयं, मइए दंसणेण वा ।  
पडिपुच्छिऊण सोच्चावा जं च निस्संक्रियं भवे ॥१३५॥-७६
- (१५२) अजीचं परिणयं नच्चा, पडिगाहेअ संजए ।  
अह संक्रियं भवेअ, आसाइत्ताण रोयए ॥१३६॥-७७

(१५३)	योदमासायणद्वाए हत्यगम्नि दलाहि मे । मा मे अह्निबिलं पुअं, नालं तिण्हं विणित्तए	॥१३७॥ -78
(१५४)	तं च अह्निबिलं पुई, नालं तिण्हं विणित्तए । देत्तिअं पडिआइक्खे न मे कप्पइ तारिसं	॥१३८॥ -79
(१५५)	तं च हुआ अकामेणं, विमणेण पडिच्छियं । तं अप्पणा न पिबे, नो थि अन्नस्स दाषए	॥१३९॥ -80
(१५६)	एगंतमवक्कमिक्का अचितं पडिलेहिया । जयं परिठ्वेआ, परिट्ठप्प पडिक्कमे	॥१४०॥ -81
(१५७)	सिया अ गोअरग्गओ, इच्छिआ परिभोत्तुयं । कुट्टगं भित्तिमूलं वा, पडिलेहित्ताण फासुअं	॥१४१॥ -82
(१५८)	अणुअवेत्तु मेहावी, पडिच्छिअम्मि संवुडे । हत्यगं संपमज्जिता, तत्थ भुंजिअ संजए	॥१४२॥ -83
(१५९)	तत्थ से भुंजमाणस्स अट्ठिअं कंटओ सिया । तणकड्डसक्करं वा वि, अन्नं वा वि तहाविहं	॥१४३॥ -84
(१६०)	तं उक्खिवित्तु न निक्खवे, आसएण न छड्ढए । हत्येणं तं गहेऊण, एगंतमवक्कमे	॥१४४॥ -85
(१६१)	एगंतमवक्कमिक्का, अचितं पडिलेहिया । जयं परिठ्वेआ, परिट्ठप्प पडिक्कमे	॥१४५॥ -86
(१६२)	सिया अ भिक्खुइच्छेआ सिअमागम्म भोत्तुयं । सपिंडपायमागम्म, उंबुयं पडिलेहिया	॥१४६॥ -87
(१६३)	विणएण पविसित्ता, सग्गसे गुरुणो मुनी । इरियावहियमायाय, आगओ य पडिक्कमे	॥१४७॥ -88
(१६४)	आभोएत्ताण नीसेसं, अइआरं च जहक्कमं । गमणागमणे चैव, भत्त पाणे य संजए	॥१४८॥ -89
(१६५)	उज्जुप्पओ अणुअविग्गो, अवक्खित्तेणं चैयसा । आलोए गुरुसगासे, जं जहा गहियं भवे	॥१४९॥ -90
(१६६)	न सम्ममालोइयं हुआ, पुक्खिं पच्छा व जं कडं । पुणो पडिक्कमे तस्स, बोसट्ठो चिंतए इमं	॥१५०॥ -91
(१६७)	अहो जिणेहिं असावआ, विती साहूण देसिया । मुखसहाहणहेउस्स, साहुदेहस्स धारणा	॥१५१॥ -92
(१६८)	नमुक्कारेण पारित्ता करेता जिणसंथयं । सज्जायं पट्टवित्ताण, वीसमेअ खणं मुनी	॥१५२॥ -93
(१६९)	वीसमंतो इमं चित्ते, हियमड्डं लाभमट्ठिओ । जइ मे अणुगहं कुआ, साहु होआमि तारिओ	॥१५३॥ -94
(१७०)	साहवो तो चियत्तेणं, निमंतिअ जहक्कमं । जइ तत्थ केइ इच्छेआ, तेहिं सट्ठिं तु भुंजए	॥१५४॥ -95

- (१७१) अह कोइ न इच्छिजा, तओ भुंजिअ एककओ ।  
आलोए भायणे साहु, जयं अपरिसाडियं ॥१५५॥-७७
- (१७२) तितंगं च कडुयं च कसायं अंबिलं च म्हुरं लवणं वा,  
एय लद्धमत्रद्रुपउत्तं, म्हुघयं व भुंजेअ संजए ॥१५६॥-७८
- (१७३) अरसं विरसं वा वि, सुइयं वा असुइयं ।  
उलंघा जइ वा सूक्कं, मंयुकुम्मास मोयणं ॥१५७॥-७९
- (१७४) उप्पन्न नाइहीलेआ, अयं वा बहु फासुयं ।  
मुहालसुं मुहाजीवी, भुंजिआ दोसवज्जिअं ॥१५८॥-८०
- (१७५) दुल्लाहाउ मुहादाई, मुहाजीवीवि दुल्लाहा ।  
मुहादाई मुहाजीवी, दो वि गच्छंति सोग्गइं-त्ति बेमि ॥१५९॥-१००
- पंचमे अन्नयणे पठयो उहेसो सप्ततो ●**
- : बी ओ—उ हे सो :-
- (१७६) पडिग्गहं संलिह्तिताणं, लेवमायाइ संजए ।  
दुगंधं वा सुगंधं वा, सव्वं भुंजे न छड्डए ॥१६०॥-१
- (१७७) सेआ निसीहियाए, समावत्रो य गोअरे ।  
अवावयट्ठा मोच्चा णं, जइ तेणं न संयरे ॥१६१॥-२
- (१७८) तओ कारणसमुपन्ने, भत्तपाणं गवेसए ।  
विहिआ पुव्वउत्तेण, इमेणं उत्तरेण य ॥१६२॥-३
- (१७९) कालेणं निक्खमे भिक्खू, कालेण य पडिक्कमे ।  
अकालं च विवज्जेत्ता, काले कालं समायरे ॥१६३॥-४
- (१८०) अकाले चरसि भिक्खू, कालं न पडिलेहसि ।  
अप्पाणं च किलामेसि, सन्निवेसं च गरिहसि ॥१६४॥-५
- (१८१) सइ काले चरे भिक्खू, कुआ पुरिसकारिअं ।  
अत्ताभोत्ति न सोएआ, तदो त्ति अहियासए ॥१६५॥-६
- (१८२) तहेवुट्ठावया पाणा, भत्तद्वाए समागया ।  
तं उज्जयं न गच्छिआ, जयमेव परक्कमे ॥१६६॥-७
- (१८३) गोयरग्गपविट्ठो उ न निसीएअ कत्थई ।  
कहं च न पबंधेआ, चिट्ठिताण व संजए ॥१६७॥-८
- (१८४) अगगलं फलिहं दारं, कवाडं वा वि संजए ।  
अवलंबिआ न चिट्ठेआ, गोअरग्गओ मुनी ॥१६८॥-९
- (१८५) समणं माहणं वा वि, किविणं वा वणीमगं ।  
उवसंकमंतं भत्तद्वा, पाणद्वाए व संजए ॥१६९॥-१०
- (१८६) तं अमइक्कमित्तु न पविसे, न चिट्ठे चक्खुगोअरे ।  
एगंतमवक्कमित्ता तत्थ चिट्ठेअ संजए ॥१७०॥-११
- (१८७) वणीमगस्स वा तस्स, दायगस्सुभयस्स वा ।  
अप्पत्तिअं मियाहुआ, लहुतं पवयणस्स वा ॥१७१॥-१२

(१८८)	पडिसेहिए व दित्रे या, तओ तम्पि नियत्तिए । उयसंकमिअ मत्तहा, पाण्ड्याए व संजए	॥१७२॥ -13
(१८९)	उप्पलं पउमं वा वि, कुमुअं वा मगदंतियं । अत्रं वा पुप्फ सच्चित्तं, तं च संलुंछिआ दए	॥१७३॥ -14
(१९०)	तं भवे भत्तपाणं तु, संजयाण अकप्पिअं । देत्तिअं पडिआइक्खे, न मे कप्पइ तारिसं	॥१७४॥ -15
(१९१)	उप्पलं पउमं वा वि, कुमुअं वा मगदंतियं । अत्रं वा पुप्फ सच्चित्तं, तं च सम्महिद्या दए	॥१७५॥ -16
(१९२)	तं भवे भत्तपाणं तु, संजयाण अकप्पियं । देत्तिअं पडिआइक्खे, न मे कप्पइ तारिसं	॥१७६॥ -17
(१९३)	सालुअं वा थिरालियं, कुमुअं उप्पलनालियं । मुणालिअं सासवनालिअं, उच्छुखंडं अनिव्वुडं	॥१७७॥ -18
(१९४)	तरुणं वा पवालं, रुक्खस्स तणगस्स वा । अन्नस्स वा विहरिअस्स आमगं परिवज्जए	॥१७८॥ -19
(१९५)	तरुणिअं वा छिवाडिं, आमिअं भज्जियं सयं । देत्तियं पडिआइक्खे, न मे कप्पइ तारिसं	॥१७९॥ -20
(१९६)	तहा कोलमणुस्सिअं, वेलुअं कासवनालिअं । तिलपप्पडगं नीमं, आमगं परिवज्जए	॥१८०॥ -21
(१९७)	तहेव चाउलं पिट्ठं, विअडं वा तत्तनिव्वुडं । तिलपिट्ठं पूइ पिन्नागं, आमगं परिवज्जए	॥१८१॥ -22
(१९८)	कविट्ठं माउलिंगं च, मूलगं मूलगत्तियं । आमं असत्थपरिणयं, मणसा वि न पत्थए	॥१८२॥ -23
(१९९)	तहेव फलमंयूणि, बीअमंयूणि जाणिआ । विहेलं पियालं च, आमगं परियज्जए	॥१८३॥ -24
(२००)	समुयाणं घरे भिक्खू, कुलंउच्चावयं सया । नीयं कुलमइक्कम्म, ऊसढं नामिधारए	॥१८४॥ -25
(२०१)	अदीणो वित्तिमेसिआ, न विसेअ पंडिए । अमुच्छिओ भोअणम्मि मायण्णे एसणारए	॥१८५॥ -26
(२०२)	बहुं परघरे अत्थि, विविहं खाइमसाइमं । न तत्थ पंडिओ कुप्पे, इच्छा दिअ परो न वा	॥१८६॥ -27
(२०३)	सयणासण वत्थं या, मत्तं पाणं च संजए । अदंतस्स न कुप्पिआ, पच्चक्खे वि अ दिसओ	॥१८७॥ -28
(२०४)	इत्थिअं पुरिसं वाधि, उहरं वा महल्लगं । वंदमाणं न जाएज्जा, नो य णं फरुसं वए	॥१८८॥ -29
(२०५)	जे न वंदे न से कुप्पे, धंदिओ न समुक्कसे । एवमत्रेसमाणस्स, सपण्णमणुचिड्डई	॥१८९॥ -30

(२०६)	सिया एगइओ लख्यं, लोमेणं विणिगूहइ । मा मेयं दाइयं संतं, दइणं सयमायए	॥१९०॥-३१
(२०७)	अतइ गुरुओ लुद्धो, बहुं पावं पकुव्वइ । दुतोसओ य से होइ, निव्वाणं घ न गच्छइ	॥१९१॥-३२
(२०८)	सिया एगइओ लद्धं, विविहं पाणभोयणं । भइगं भइगं भोद्धा, विवत्रं विरसमाहरे	॥१९२॥-३३
(२०९)	जाणंतु ता इमे समणा, आययइओ अयं मुनी । संतुओ सेवए पंतं, लूहविती सुतोसओ	॥१९३॥-३४
(२१०)	पूयणइ जासोकामी, मानसम्माणकामए । बहुं पसवइ पावं, मायासल्लं च कुव्वई	॥१९४॥-३५
(२११)	सुरं वा मेरगं वा वि, अत्रं वा मज्जगं रसं । ससक्खं न पिबे भिक्खु, जसं सारक्खमप्यणो	॥१९५॥-३६
(२१२)	पिया एगइओ तेणो, न मे कोई वियाणइ । तस्स पस्सह दीसाइ, नियडिं च सुणेह मे	॥१९६॥-३७
(२१३)	वइइ सुंइआ तस्स, मायामोसं च भिक्खुणो । अयसो य अनिव्वाणं, सययं च असाहुया	॥१९७॥-३८
(२१४)	निष्पुव्विग्गो जहा तेणो, अत्तकम्पेहि दुम्मई । तारिसो मरणंते वि, न आराहेइ संवरं	॥१९८॥-३९
(२१५)	आयरिए नाराहेइ, समणे यादि तारिसो । गिहत्थ वि णं गरिहंति जेण जाणंति तारिसं	॥१९९॥-४०
(२१६)	एवं तु अगुणप्येही, गुणाणं च विवज्जओ । तारिसो मरणंते वि, न आराहेइ संवरं	॥२००॥-४१
(२१७)	तवं कुव्वइ मेहावी, पणीयं वज्जए रसं ॥ मज्जपमायविरओ, तवस्सी अइउक्कसो	॥२०१॥-४२
(२१८)	तस्स पस्सह कल्लाणं, अनेगसाहुपुइअं । विउलं अत्यसंजुलं, किताइस्सं सुणेह मे	॥२०२॥-४३
(२१९)	एवं तु गुणप्येही, अगुणाणं च विवज्जए तारिसो मरणंते वि, आराहेइ संवरं	॥२०३॥-४४
(२२०)	आयरिए आराहेइ, समणे यावि तारिसो । गिहत्था वि न पूयंति, जेण जाणंति तारिसं	॥२०४॥-४५
(२२१)	तवतेणे वयतेणे, रूयतेणे य जे नरे । आधारभावतेणे य, कुव्वइ देवकिब्बिसं	॥२०५॥-४६
(२२२)	लद्धुण वि देवत्तं, उववत्रो देवकिब्बिसे । तत्थावि से न याणाइ, किं मे किद्धा इमं फलं	॥२०६॥-४७
(२२३)	ततो वि से चइत्ताणं, लब्बइ एलमूययं । नरयं तिरिक्खजोणिं वा, बोही जत्थ सुदुल्ला	॥२०७॥-४८

- (२२४) एयं च दोसं ददूणं, नायपुत्तेणं भासिअं ।  
अणुमायं पि मेहावी, मायामोसं विवज्जए ॥२०८॥ -४९
- (२२५) सिक्खिऊण भिक्खेसणसोहिं, संजयाण बुद्धाण सगासे ।  
तत्थ भिक्खू सुप्पणिहिंदिए, तिब्बलज्ज गुणवं विहरिआसि ॥२०९॥ -५०  
ति बेमि

● पंचमे अञ्जयणं बीजो उद्देशो समस्तो ● पंचमं अञ्जयणं समस्तं ●

### छट्टं अञ्जयणं—महायारकहा

- (२२६) नाणदंसणसपन्नं, संजमे अ तवे रयं ।  
गणिमागमसंपन्नं, उज्जाणम्मि समोसदं ॥२१०॥ -१
- (२२७) रायाणो रायमद्धा य, माहणा अदुव खत्तिया ।  
पुच्छंति निहुअण्णाणो, कहं मे आयारगोयरो ॥२११॥ -२
- (२२८) तैसिं सो निहुओ दंतो, सच्चभूयसुहावहो ।  
सिक्खिए सुसमाउत्तो, आयक्खइ विपक्खणो ॥२१२॥ -३
- (२२९) हंदि धम्मत्यकामाणं, निग्गंथाणं सुणेह मे ।  
आयारगोयरं भीमं, सयलं दुरहिद्धियं ॥२१३॥ -४
- (२३०) नन्नत्थ एरिसं युत्तं, जं लीए परमदुद्धरं ।  
विउलड्ढाणभाइस्स न भूयं न भविस्सइ ॥२१४॥ -५
- (२३१) सखुहुगवियत्ताणं, याहियाणं च जे गुणा ।  
अखंडफुडिया कायव्वा, तं सुणेह जहा तथा ॥२१५॥ -६
- (२३२) दस अट्ट य ठाणाई, जाई बालोऽवरज्जइ ।  
तत्थ अन्नयरे ठाणे, निग्गंथत्ताओ भस्सई ॥२१६॥ -७
- (२३३) तत्थिमं पढमं ठाणं, महावीरेण देसिअं ।  
अहिंसा निउणा दिट्ठा, सच्च भूएसु संजमो ॥२१७॥ -८
- (२३४) जावंति लोए पाणा, तस्सा अदुव धावरा ।  
ते जाणमजाणं था, न हणे नो वि घायए ॥२१८॥ -९
- (२३५) सच्च्ये जीवा वि इच्छंति, जीविउं न मरिअिउं ।  
तन्हा पाणिवहं घोरं, निग्गंथा वज्जयंति णं ॥२१९॥ -१०
- (२३६) अप्पणद्धा परद्धा वा, कौहा वा जइ वा भया ।  
हिंसगं न मुसं बूया, नोवि अन्नं खयावए ॥२२०॥ -११
- (२३७) मुसावाओ य लोगम्मि, सच्चसाहूहिं गरिहिओ ।  
अविस्सासो य भूयाणं, तन्हा मोसं विवज्जए ॥२२१॥ -१२
- (२३८) धित्तमंतमचित्तं वा, अप्पं वा जइ वा बहुं ।  
दंतसोहणमेत्तं पि, उग्गहंसि अजाइया ॥२२२॥ -१३
- (२३९) तं अप्पणा न गेण्हंति, नो वि गेण्हावए परं ।  
अन्नं वा गिण्हमाणं पि, नाणुजाणंति संजया ॥२२३॥ -१४
- (२४०) अबंभविरिअं घोरं, पमायं दुरहिद्धियं ।  
नारयंति मुनी लोए, भेयाययणवज्जिणो ॥२२४॥ -१५

(२४१)	मूलमेयमहम्मस्त, महादोससमुत्सयं । तन्हा मेहुणसंसर्गं, निगंथा वज्रयंति णं	॥२२५॥ -16
(२४२)	विडमुब्बेइमं लोणं, तेहं सपि च फाणियं । न ते सत्रिहिमिच्छंति, नायपुत्तवओरया	॥२२६॥ -17
(२४३)	लोमस्सेसोअणुफासे, मत्रे अत्रयरामवि । जे सिया सत्रिहि कामे, गिही पव्वइए न से	॥२२७॥ -18
(२४४)	जं पि वत्थं व पायं था, कंबले पायपुंछणं । तं पि संजमलज्जडा, धारंति परिहरंति य	॥२२८॥ -19
(२४५)	न सो परिग्गहो, युत्तो, नायपुत्तेणं ताइणा । मुच्छा परिग्गहो वुत्तो, इइ वुत्तं महेसिणा	॥२२९॥ -20
(२४६)	सव्वत्थुवहिणा बुद्धा, संरक्खणपरिग्गहे । अवि-अप्पणोऽवि देहम्मि, नायरंति ममाइयं	॥२३०॥ -21
(२४७)	अहो निच्चं तवो कम्मं, सव्वबुद्धेहिं वणिणयं । जा य लज्जासमा विती एगभत्तं च भोयणं	॥२३१॥ -22
(२४८)	संति मे सुहुमा पाणा, तसा अदुव थावरा । जाइं राओ अपासंतो, कहमेसणियं चरे	॥२३२॥ -23
(२४९)	उदउल्लं बीयसंसत्तं, पाणा निवडिया महिं । दिया ताइं वियजिआ, राओ तस्य कहं चरे	॥२३३॥ -24
(२५०)	एवं च दोसं दड्डणं, नायपुत्तेण भासियं । सव्वाहारं न भुंजंति, निगंथा राइमोयणं	॥२३४॥ -25
(२५१)	पुढविकायं न हिंसंति, मणसा वायसा कायसा । तिविहेण करणजोएण, संजया सुसमाहिया	॥२३५॥ -26
(२५२)	पुढविकायं विहिसंतो, हिंसई उ तयस्सिए । तसे य विविहे पाणे, चक्खुसे य अचक्खुसे	॥२३६॥ -27
(२५३)	तन्हा एवं विआणित्ता, दोसं दुग्गइवइड्डणं । पुढविकायसमारंभं, जावजीवाए वज्जए	॥२३७॥ -28
(२५४)	आउकायं न हिंसंति, मणसा वायसा कायसा । तिविहेण करणजोएण, संजया सुसमाहिया	॥२३८॥ -29
(२५५)	आउकायं विहिसंतो, हिंसई उ तयस्सिए । तसे अ विविहे पाणे, चक्खुसे य अचक्खुसे	॥२३९॥ -30
(२५६)	तन्हा एयं विआणित्ता, दोसं दुग्गइवइड्डणं । आउकायसमारंभं, जावजीवाए वज्जए	॥२४०॥ -31
(२५७)	जायतेयं न इच्छंति, पावगं जलइत्तए । तिक्खमन्नयरं सत्थं, सव्वओ वि दुरासयं	॥२४१॥ -32
(२५८)	पाईणं पडिणं वा वि, उइढं उइढदिसामवि । अहे दाहिणओ वा वि, दहे उत्तरओ वि अ	॥२४२॥ -33

- (२५९) मूयागमेसमाघाओ, हव्ववाहो न संसओ ।  
तं पईवपयावद्धा, संजया किंचि नारभे ॥२४३॥ -34
- (२६०) तन्हा एयंविधाणित्ता, दोसं दुग्गइवड्ढणं ।  
तेउकायसमारंभं, जावज्जीवाए वज्जए ॥२४४॥ -35
- (२६१) अनिलस्स समारंभं, बुद्धा मप्रति तारिसं ।  
सावज्जबहुलं चेयं, नेयं ताईहिं सेवियं ॥२४५॥ -36
- (२६२) ताल्लिअंटेण पत्तेण, साहाविहुणेण वा ।  
न ते वीइउमिच्छंति, वीयावेऊण वा परं ॥२४६॥ -37
- (२६३) जंपि वत्थं च पायं वा, कंढलं पायपुंछणं ।  
न ते वायमुर्दंति, जयं परिहरंति य ॥२४७॥ -38
- (२६४) तन्हा एयं विआणित्ता दोसं दुग्गइवड्ढणं ।  
वाउकायसमारंभं, जावज्जीवाए वज्जए ॥२४८॥ -39
- (२६५) वणस्सइं न हिंसंति, मणसा वयसा कायसा ।  
तिविहेण करणजोएण, संजया सुसमहिआ ॥२४९॥ -40
- (२६६) वणस्सइं विहिंसंतो, हिंसइ उ तयस्सिए ।  
तसे य विविहे पाणे, चक्खुसे य अचक्खुसे ॥२५०॥ -41
- (२६७) तन्हा एयं वियाणित्ता, दोसं दुग्गइवड्ढणं ।  
वणस्सइसमारंभं, जावज्जीवाए वज्जए ॥२५१॥ -42
- (२६८) तसकायं न हिंसंति, मणसा वयसा कायसा ।  
तिविहेण करणजोएण, संजया सुसमाहिया ॥२५२॥ -43
- (२६९) तसकायं विहिंसंतो, हिंसइ उ तयस्सिए ।  
तसे य विविहे पाणे, चक्खुसे य अचक्खुसे ॥२५३॥ -44
- (२७०) तन्हा एयं वियाणित्ता, दोसं दुग्गइवड्ढणं ।  
तसकायसमारंभं, जावज्जीवाए वज्जए ॥२५४॥ -45
- (२७१) जाइं चत्तारि मुंजाइं, इसिआहारमाइणि ।  
ताइं तु विवजंतो, संजमं अणुपालए ॥२५५॥ -46
- (२७२) पिंडं सेज्जं च वत्थं च, चउत्थं पायमेव य ।  
अक्कपियं न इच्छेज्जा, पडिगाहेज्ज कप्पियं ॥२५६॥ -47
- (२७३) जे नियागं ममायंति, कीयमुद्देसिआहडं ।  
वहं ते समणुजाणंति, इइ वुत्तं महेसिणा ॥२५७॥ -48
- (२७४) तन्हा असणपाणाइं, कीयमुद्देसियाइडं ।  
वज्जयंति ठियप्पाणो, निग्गंथा धम्मजीविणो ॥२५८॥ -49
- (२७५) कंसंसु कंसपाएसु, कुंडमोहसु वा पुणो ।  
भुंजंतो असणपाणाइं, आयारा परिभस्सइ ॥२५९॥ -50
- (२७६) सीओदगसमारंभे, मत्तघोयणच्छुणे ।  
जाइं छंनंति मूयाइं, दिट्ठो तत्थ असंजमो ॥२६०॥ -51



- (२७७) पच्छाकम्मं पुरोकम्मं, सिया तत्थ न कप्पइ ।  
एयमद्धं न भुंजंति, निगंथा गिहिभायणे ॥२६१॥-५२
- (२७८) आसंदीपलियंकेसु, मंचामासालएसु वा ।  
अणायरियमज्जाणं, आसइत्तु सइत्तु वा ॥२६२॥-५३
- (२७९) नासंदीपलियंकेसु, न निसेज्जा न पीढए ।  
निगंथा पडिलेहाए, बुद्धवुत्तमहिट्ठगा ॥२६३॥-५४
- (२८०) गंभीरविजया एए, पाणा दुप्पडिलेहगा ।  
आसंदी पलियंका य, एयमद्धं विवज्रिया ॥२६४॥-५५
- (२८१) गोअरगपविट्ठस्स, निसेज्जा जस्स कप्पइ ।  
इमेरिसमणायारं, आवज्जइ अबोठियं ॥२६५॥-५६
- (२८२) विवत्ती बंभचेरस्स, पाणाणं च बहे बहो ।  
वणीमगपडिग्घाओ, पडिकोहो अगारिणं ॥२६६॥-५७
- (२८३) अगुत्ती बंभचेरस्स, इत्थीओ वा वि संकणं ।  
कुसीलवइट्ठणं ठाणं, दूरओ परिवज्जए ॥२६७॥-५८
- (२८४) तिण्हमन्नपरागास्स, निसिज्जा जस्स कप्पइ ।  
जराए अभिभूअस्स, वाहियस्स तवस्सिणो ॥२६८॥-५९
- (२८५) दाहिओ वा अरोगी वा, सिणाणं जो उ पत्थए ।  
बुक्कंतो होइ आयारो, जदो हवइ संजमो ॥२६९॥-६०
- (२८६) संतिमे सुहुमा पाणा, घसासु भिलगासु य ।  
जे अ भिक्खु सिणायंतो, दिअडेणुप्पिलावए ॥२७०॥-६१
- (२८७) तन्हा ते न सिणायंति, सीएण उसिणेण वा ।  
जावज्जीवं वयं धोरं, असिणाणमहिट्ठगा ॥२७१॥-६२
- (२८८) सिणाणं अदुवा कक्कं, लुद्धं पउमगाणि अ ।  
गायस्सुव्वट्ठणद्दाए, नायरंति कयाइ वि ॥२७२॥-६३
- (२८९) नगिणास्स वा वि मुंडस्स, दीहरोमनहंसिणो ।  
मेहुणाओ उवसंतस्स, किं विभूसाए कारियं ॥२७३॥-६४
- (२९०) विभूसावत्तिअं भिक्खु, कम्मं बंधइ चिक्कणं ।  
संसारसायरे धोरे, जेणं पडइ दुरुत्तरे ॥२७४॥-६५
- (२९१) विभूसावत्तियं चैयं, बुद्धा मज्जंति तारिसं ।  
सावज्ज बहुलं चैयं, नेयं ताईहं सेवियं ॥२७५॥-६६
- (२९२) खवेति अप्पाणममोहदंसिणो तवे रया संजम अज्जवे गुणे ।  
धुणंति पावाइं पुरेकडाइं, नवाइं पावाइं न ते करंति ॥२७६॥-६७
- (२९३) सओवसंता अमपा अकिंघणा, सविज्जविज्जाणुगया जसंसिणो ।  
उउप्पसन्ने विमले व चंदिमा, सिद्धिं विमाणाइं उवेति ताइणो - ति बेमि।। ॥२७७॥-६८

### सत्तमञ्जयणं—वक्कसुद्धि

- (२९४) वउण्हं खलु भासाणं, परिसंखाय पन्नवं।  
दुण्हं तु विनयं सिकखे दो न भासेअ सव्वसो ॥२७८॥-१
- (२९५) जाय सद्धा अवतव्वा, सद्धामीसा य जा मुसा।  
जाय बुद्धेहिं नाइत्ता, न तं भासिअ पन्नवं ॥२७९॥-२
- (२९६) असद्धामोसं सद्धं च, अणवञ्जमकक्कसं।  
समुपेहमसंदिद्धं, गिरं भासिअ पन्नवं ॥२८०॥-३
- (२९७) एयं च अट्टन्नं वा, जं तु नामेइ सासयं।  
स भासं सद्धामोसं पि, तं पि धीरो विवञ्जए ॥२८१॥-४
- (२९८) वितहं पि तहामुत्तिं, जं गिरं भासए नरो।  
तन्हा सो पुजोद्धो पावेणं, कि पुण जो मुसं वए ॥२८२॥-५
- (२९९) तन्हा गच्छामो वक्कवामो, अमुगं वा ण भविस्सइ।  
अहं वारणं करिस्सामि, एसी वा णं करिस्सइ ॥२८३॥-६
- (३००) एवमाईउजा भासा, एसकालम्मि संकिआ।  
संपयाईयमट्टे वा, तं पि धीरो विवञ्जए ॥२८४॥-७
- (३०१) अईयम्मि अ कालम्मि, पट्टुप्पन्नमणागए।  
जमट्टं तु न जाणिआ, एवमेयं ति नो वए ॥२८५॥-८
- (३०२) अईयम्मि य कालम्मि, पट्टुप्पन्नमणागए।  
जत्थ संका भवे तं तु, एवमेयं तु नो वए ॥२८६॥-९
- (३०३) अईयम्मि य कालम्मि, पट्टुप्पन्नमणागए।  
निस्संकियं भवे जं तु, एवमेयं तु निहिसे ॥२८७॥-१०
- (३०४) तहेव फरुसा भासा, गुरुभूओवघाइणी।  
सद्धा वि सान वतव्वा, जओ पावस्स आगमो ॥२८८॥-११
- (३०५) तहेव काणं काणे ति, पंडगं पंडगे ति वा।  
वाहिअं वा वि रोगि ति, तेणं चोरे ति नो वए ॥२८९॥-१२
- (३०६) एएणत्रेण अट्टेणं, परो जेणुवहम्मइ।  
आयारभावदोसञ्च, न तं भासिअ पन्नवं ॥२९०॥-१३
- (३०७) तहेव होले गोले ति, सापे वा दसुले ति य।  
दमए दुइए वा वि, नेवं भासेअ पन्नवं ॥२९१॥-१४
- (३०८) अजिए पजिए वा वि अम्मो माउस्सिअ ति य।  
पिउस्सिए भाइणेअ ति, धूए णत्तुणियत्ति य ॥२९२॥-१५
- (३०९) हले हलेति अन्नोत्ति, मट्टे सामिणि गोमिणि।  
हीले गोले वसुले ति, इत्थियंनेवमालवे ॥२९३॥-१६
- (३१०) नामधिजेण णं बूया, इत्थीगुत्तेण वा पुणो।  
जहारिहमभिगिञ्ज, आलवेअ लयेअ वा ॥२९४॥-१७

- (३११) अजए पजए वा वि, बभ्यो चुसपिउ ति य ।  
माउली माइणेज्ज ति, पुत्ते नतुणियत्तिय ॥२९५॥-१८
- (३१२) हे हो ! हलित्ति अत्रित्ति, भट्टा सामिय गोमिए ।  
होल गोल वसुलेत्ति, पुरिसं नेवमालवे ॥२९६॥-१९
- (३१३) नामधेज्जेणं णं बूया, पुरिसगुत्तेण वा पुणो ।  
जहारिहमभिगज्ज, आलवेज्ज लवेज्ज वा ॥२९७॥-२०
- (३१४) पंचिदियाणं पाणाणं, एस इत्थी अयं पुमं ।  
जाव णं न विजाणिज्जा, ताय जाइ ति आलवे ॥२९८॥-२१
- (३१५) तहेव मणुस्सं पसुं, पक्खि वा वि सरीसिबं ।  
धूले पमेइले वज्जे, पाइमित्ति य नो वए ॥२९९॥-२२
- (३१६) परिवुइडे ति णं बूया, बूया उवचिए ति य ।  
संजाए पीणिए वावि, महाकाय ति आलवे ॥३००॥-२३
- (३१७) तहेव गाओ दुज्जाओ दम्मा गोरहग ति य ।  
वाहिमा रहजोगी ति, नेवं भासेज्ज पन्नवं ॥३०१॥-२४
- (३१८) जुवं गवे ति णं बूया, धेणुं रसदय ति य ।  
रहस्से महल्लए वा वि, वए संघहणे ति य ॥३०२॥-२५
- (३१९) तहेव गंतुमुज्जाणं, पव्वयाणि थणाणे य ।  
रुक्खा महल्ल पेहाए, नेवं भासिज्ज पन्नवं ॥३०३॥-२६
- (३२०) अलं पासयखंभाणं, तोरणणं गिहाणि य ।  
फलिहग्गलनावणं, अलं उदगदोणिणं ॥३०४॥-२७
- (३२१) पीढए चंगबेरे अ, नंगले मइयं सिया ।  
जंतलट्ठी व नाभी वा, गंडिआ व अलं सिया ॥३०५॥-२८
- (३२२) आसणं सयणं जाणं, हुज्जा वा किंचुवस्सए ।  
भूओवधाइणिं भासं, नेवं भासेज्ज पन्नवं ॥३०६॥-२९
- (३२३) तहेव गंतुमुज्जाणं, पव्वयाणि वणाणि य ।  
रुक्खा महल्ल पेहाए, एवं भासिज्ज पन्नवं ॥३०७॥-३०
- (३२४) जाइमंता इमे रुक्खा, दीहवट्ठा महालया ।  
पयायसाला विडिमा, वए दरिसणि ति य ॥३०८॥-३१
- (३२५) तहा फलाई पक्काइं, पायखज्जाइं नो वए ।  
वेलोइयाइं टालाइं, वेहिमाइ ति नो वए ॥३०९॥-३२
- (३२६) असंयडा इमे अंबा, बहुनिव्वडिमा फला ।  
वइज्ज बहुसंभूया, भूअरुव ति वा पुणो ॥३१०॥-३३
- (३२७) तहेवोससहीओ पक्कओ, नीसिआओ छवोइ य ।  
लाइमा भज्जिमाउ ति, पिहुखज्ज ति नो वए ॥३११॥-३४
- (३२८) रुद्धा बहुसंभूया, थिरा ऊसदा वि य ।  
गब्भियाओ पसूयाओ, संसाराउ ति आलवे ॥३१२॥-३५

- (३२९) तद्देव संखडिं नद्धा, किच्चं कजं ति नो वए ।  
तेणगं वावि वज्जि ति, सुतित्थि ति अ आस्वणा ॥३१३॥ -36
- (३३०) संखडिं संखडिं बूया, पणियट्टति तेणगं ।  
बहुसमाणि तित्थाणि आवगणं वियागरे ॥३१४॥ -37
- (३३१) तहा नईओ पुण्णाओ, कायत्तिज्ज ति नो वए ।  
नावाहिं तारिमाउ ति, पाणिपिज्ज ति नो वए ॥३१५॥ -38
- (३३२) बहुवाहडा अगाहा, बहुसलिलुप्पिलोदगा ।  
बहुवित्थडोदगा आदि, एवं भासेज्ज पन्नवं ॥३१६॥ -39
- (३३३) तद्देव सावज्जं जोगं, परस्सद्दा अ निट्ठियं ।  
कीरमाणं ति वा नद्धा, सावज्जं न लवे मुनी ॥३१७॥ -40
- (३३४) सुकडे ति, सुपक्के ति, सुच्छिन्ने सुहडे मडे ।  
सुनिट्ठिए सुलड्ढेति, सावज्जं वज्जए मुनी ॥३१८॥ -41
- (३३५) पयत्तपक्क ति व पक्कमालवे, पयत्तच्छिन्न ति व छिन्नमालवे ।  
पयत्तलड्ढित्ति व कम्महेउयं, पहारगाट्ठि ति व गाढमालवे ॥३१९॥ -42
- (३३६) सव्वुककसं परग्घं वा, अउलं नत्थि ए रिसं ।  
अविकिकयमवत्तव्वं, अचियत्तं धेव नो वए ॥३२०॥ -43
- (३३७) सव्वमेयं वइस्सामि, सव्वमेयं ति नो वए ।  
अणुवीइ सव्वं सव्वत्थ, एवं भासेज्ज पन्नवं ॥३२१॥ -44
- (३३८) सुक्कीयं वा सुविक्कीयं, अकिज्जं किज्जमेव वा ।  
इमं गिण्ह इमं मुंद, पणियं नो वियागरे ॥३२२॥ -45
- (३३९) अप्यग्घे वा महग्घे वा, कए वा विककए वि वा ।  
पणियट्ठे समुप्पन्ने, अणवज्जं वियागरे ॥३२३॥ -46
- (३४०) तद्देवासंजयं धीरो, आस एहि करेहि वा ।  
संचचिड्ढ वयाहित्ति, नेयं भासेज्ज पन्नवं ॥३२४॥ -47
- (३४१) बहवे इमे असाहु, लोए वुच्चंति साहुणो ।  
न लवे असाहुं साहुति साहुं साहुति आलवे ॥३२५॥ -48
- (३४२) नाणदंसणसंपन्नं, संजमे य तवे रयं ।  
एवं गुणसमाउत्तं, संजयं साहुमालवे ॥३२६॥ -49
- (३४३) देवाणं मणुयाणं च, तिरिआणं च वुग्गहे ।  
अमुयाणं जओ होउ, मा वा होउति नो वए ॥३२७॥ -50
- (३४४) वाओ वुट्ठं व सीउण्हं, खेमं धायं सिवे ति वा ।  
कया णु होज्ज एयाणि, मा वा होउ ति नो वए ॥३२८॥ -51
- (३४५) तद्देव मेहं व नहं व माणवं, न देवदेव ति गिरं वएज्जा ।  
समुच्छिए उन्नए वा पओए, वइज्ज वा युट्ठ बलाहए ति ॥३२९॥ -52
- (३४६) अंतलिक्खे ति णं बूया, गुज्जाणुचरिय ति अ ।  
रिद्धिमंतं नरं दिस्स, रिद्धिमंतं ति आलवे ॥३३०॥ -53

- (३४७) तद्देव सावज्जणुमोयणी गिरा, ओहरिणी जा य परोवघाङ्गी ।  
से कोह लोह भय हस माणयो, न हासमाणो वि गिरं वएज्जा ॥३३१॥-६४
- (३४८) सुवक्कसुद्धिं समुपेहिया मुनी, गिरं च दुद्धं परिवज्जाए सया ।  
मिअं अट्ठे अणुवीइ मासए, सयाण मज्जे लहई पसंसणं ॥३३२॥-६६
- (३४९) मासाइ दोसे य गुणे य जाणिया, तीसे अ दुद्धे परिवज्जाए सया ।  
छसुसंजएसामणिए सयाजए, यइज्जबुद्धे हियमाणुलोमियं ॥३३३॥-६६
- (३५०) परिकखभासी सुसमाहिइदिए, चउक्कसायावगए अनिस्सिए ।  
सनिद्धुणे धुन्मलंपुरेकडं, आराहए लोणमिणंतहापरंतिबेमि ॥३३४॥-६७

● सत्तमं अज्झयणं समत्तं ●

### अट्ठमं अज्झयणं-आयारपणिही

- (३५१) आयारपणिहिं लद्धं जहा कायव्व भिक्खुणा ।  
तं मे उदाहरिस्सामि, आणुपुब्बिं सुणेह मे ॥३३५॥-१
- (३५२) पुठवि दगअगणिमारुय, तणरुक्खस बीयभा ।  
तसा य पाणा जीव ति, इइ युत्तं महेसिणा ॥३३६॥-२
- (३५३) तेसिं अच्छणजोएण, निच्चं हीयव्वयं सिया ।  
मणसा कायवक्कणेण, एयं मवइ संजए ॥३३७॥-३
- (३५४) पुठविं भित्तिं सिलं लेलुं, नेव भिंदे न संलिहे ।  
तिविहेणं करणजोएण, संजए सुसमाहिए ॥३३८॥-४
- (३५५) सुद्धपुढवीए न निसीए, ससरक्खम्मि य आसणे ।  
पमज्झित्तु निसीएज्जा, जाइत्ता जस्स ओग्गहं ॥३३९॥-६
- (३५६) सीओदगं न सेविज्जा, सिलावुद्धं हिमाणि य ।  
उसिणोदगं तत्तफासुयं, पडिगाहिज्ज संजए ॥३४०॥-६
- (३५७) उदउच्चं अप्पणोकायं, नेव पुंछे न संलिहे ।  
समुप्येह तहाभूयं, नो णं संघट्टए मुनी ॥३४१॥-७
- (३५८) इंगाल अगणिं अच्चिं, अलायं वा सजोइयं ।  
न उंजेज्जा न घट्टेज्जा, नो णं निव्वावए मुनी ॥३४२॥-८
- (३५९) तालियंटेण पत्तेण, साहाए विहूयणेण वा ।  
न वीएज्ज अप्पणो कायं, बाहिरं वा वि पोग्गलं ॥३४३॥-९
- (३६०) तणरुक्खं न छिंदेज्जा, फलं मूलं च कस्सइ ।  
आमगं विविहं बीअं, मणसा वि न पत्थए ॥३४४॥-१०
- (३६१) गहणेसु न चिद्धेज्जा, बीएसु हरिएसु या ।  
उदगम्मि तथा निच्चं, उत्तिगपणगेसु वा ॥३४५॥-११
- (३६२) तसे पाणे न हिसेज्जा, थाया अदुव कम्मणा ।  
उवरओ सव्वभूएसु, पासेज्ज विविहं जगं ॥३४६॥-१२
- (३६३) अट्ठ सुहुमाइं पेहाए, जाइं जाणित्तु संजए ।  
दयाहिगारी भूएसु, आस चिद्ध सएहि वा ॥३४७॥-१३

(३६४)	कयराइं अट्टसुहुमाइं, जाइं पुच्छिअ संजए । इमाइं ताइं मेहावी, आकूखेअ वियकखणो	॥३४८॥-14
(३६५)	सिणेहं पुफ्फसुहुमं च, पाणुत्तिगं तहेव य । पणगं बीय हरियं च, अंडसुहुमं च अट्टमं	॥३४९॥-15
(३६६)	एवमेयाणि जाणिता, सव्वभावेण संजए । अप्पमतो जए निच्चं, सव्विदियसमाहिए	॥३५०॥-16
(३६७)	धुवं च पडिलेहेअ, जोगसा पायकंबलं । सिअमुच्चारभूमिं च, संयारं अदुयासणं	॥३५१॥-17
(३६८)	उच्चारं पासवणं, खेलं सिंथाणजल्लियं । फासुअं पडिलेहिता, परिट्ठावेअ संजए	॥३५२॥-18
(३६९)	पविसित्तु परागारं, पाणट्ठा भोयणस्स वा । जयं विट्ठे मियं भासे, न य रुवेसु मणं करे	॥३५३॥-19
(३७०)	बहु सुणेइ कण्णेहिं, बहु अच्छीहिं पिच्छइ । न य विट्ठं सुयं सव्वं, भिक्खु अक्खाउमरिहइ	॥३५४॥-20
(३७१)	सुअं वा जइ वा दिट्ठं, न लवेअो यथाइयं । न य केण उवाएणं गिहिजोगं समायरे	॥३५५॥-21
(३७२)	निट्ठाणं रसनिच्चूढं, भद्दगं पावगं ति वा । पुट्ठो वावि अपुट्ठो वा, लाभालापं न निहिसे	॥३५६॥-22
(३७३)	न य भोयणम्मि गिद्धो, चरे उंछं अयंपिरो । अफासुअं न भुंजेअ, कीअमुट्ठेसियाहं	॥३५७॥-23
(३७४)	सत्तिहिं च न कुव्वेअ, अणुमायं पि संजए । मुहाजीवी असंबट्ठे, हवेअ जगनिस्सिए	॥३५८॥-24
(३७५)	लूहवित्ती सुसंतुट्ठे, अप्पिच्छे सुहरे सिया । आसुरत्तं न गच्छेअ, सोच्चा णं जिनसासणं	॥३५९॥-25
(३७६)	कण्णसुक्खेहिं सट्ठेहिं, पेमं नाभिनिवेसए । दारुणं कक्कसं फासं, काएण अहियासए	॥३६०॥-26
(३७७)	खुहं पिवासं दुस्सेअं, सीउण्हं अरइं भयं । अहियासे अब्वहिओ, देहदुःक्खं महाफलं	॥३६१॥-27
(३७८)	अत्थं गयम्मि आइच्चे, पुरत्था य अणुग्गए । आहारमाइअं सव्वं, मणसा वि न पत्थए	॥३६२॥-28
(३७९)	अतित्तिणे अचयले, अप्पमासी मियासणे । हविअ उयरे दंते, धोवं लध्धुं न खिसए	॥३६३॥-29
(३८०)	न बाहिरं परिभवे, अत्ताणं न समुककसे । सुयलामे न मज्जेअ, जच्चा तवस्सि बुद्धिए	॥३६४॥-30
(३८१)	से जाणमजाणं वा, कट्टु आहम्मियं पयं । संवरे खिप्पमप्पाणं, बीयं तं न समायरे	॥३६५॥-31

- (३८२) अनायारं परक्कम्म, नेव गूहे न निण्हवे ।  
सूई सया वियडभावे, असंसते जिइंदिए ॥३६६॥ -32
- (३८३) अमोहं वयणं कुआ, आघरियस्स महप्पणो ।  
तं परिगिञ्ज वायाए, कम्मणा उववायए ॥३६७॥ -33
- (३८४) अधुवं जीवियं नच्चा, सिद्धिमग्गं विघाणिआ ।  
विणिअट्टेअ भोगेसु, आउं परिमियमप्पणो ॥३६८॥ -34
- (३८५) बलं धामं च पेहाए, राहामारुग्गमप्पणो ।  
खित्तं कालं च विआय, तहप्पाणं निजुंजए ॥३६९॥ -35
- (३८६) जरा जाव न पीडेइ, वाही जाव न वड्डइ ।  
जर्विदिया न हायंति, ताव धम्मं समायरे ॥३७०॥ -36
- (३८७) कोहं मानं च भायं च, लोभं च पापवड्डणं ।  
वमे चत्तारि दीसे उ, इच्छंतो हियमप्पणो ॥३७१॥ -37
- (३८८) कोहो पीइं पणासेइ, माणो विनयनासणो ।  
माया मित्ताणि नासेइ, लोहो सब्बविनासणो ॥३७२॥ -38
- (३८९) उवसमेण हणे कोहं, माणं महवया जिणे ।  
मार्यमज्जवभावेण, लोभं संतोसओ जिणे ॥३७३॥ -39
- (३९०) कोहो च माणो य अणिग्गहीया, माया य लोभो य पवड्डमाणा ।  
चत्तारि एए कसिणा कसाया, सिंचंति मूलाइं पुनब्भवस्स ॥३७४॥ -40
- (३९१) रायणिएसु थिणयं पउंजे, धुवसीलयं सययं न हावएआ ।  
कुम्भोव्व अलीणपलीणगुत्तो, परक्कमेआ तवसंजमम्मि ॥३७५॥ -41
- (३९२) निदं च न बहु मन्नेआ, संप्पहासं विवज्जए ।  
मिहो क्कहाहिं न रमे, सज्जायम्मि रओ सया ॥३७६॥ -42
- (३९३) जोगं च समणधम्मम्मि, जुंसे अनलसो धुवं ।  
जुत्तो अ समणधम्मम्मि, अट्टं लहइ अनुत्तरं ॥३७७॥ -43
- (३९४) इहलोगपारत्तहियं, जेणं गच्छइ सुग्गइ ।  
बहुस्सुयं पञ्जुवासेआ, पुच्छिआत्यविणिच्छयं ॥३७८॥ -44
- (३९५) हत्थं पायं च कायं च, पणिहाय जिइंदिए ।  
अलीणगुत्ती निसिए, सगासे गुरुणो मुनी ॥३७९॥ -45
- (३९६) न पक्खओ न पुरओ, नेव किच्चाण पिट्ठओ ।  
न य ऊरुं समासेज्ज, चिट्ठिआ गुरुणांतिए ॥३८०॥ -46
- (३९७) अपुच्छिओ न भासिआ, भासमाणस्स अंतरा ।  
पिट्ठिमंसं न खाइआ, मायामोसं विवज्जए ॥३८१॥ -47
- (३९८) अप्पत्तियं जेण सिआ, आसु कुप्पिअ वा परो ।  
सब्बसो तं न भासिआ, भासं यहियगामिणि ॥३८२॥ -48
- (३९९) दिट्ठं मियं असंदिद्धं, पडिपुत्तं वियं जियं ।  
अयंपिरमणुव्विग्गं, भासं निसिरे अत्तवं ॥३८३॥ -49

- (४००) आयारपत्रतिधरं, दिङ्घिवायमहिजगं ।  
वइविकखलिअं नद्धा, न तं उयहसे मुनी ॥३८४॥ -५०
- (४०१) नक्खत्तं सुमिणं जोगं, निमित्तं मंतभेसजं ।  
गिहिणो तं न आइक्खे, भूआहिगरणं पयं ॥३८५॥ -५१
- (४०२) अत्रइं पगडं लयणं, भइज्ज सयणासणं ।  
उच्चारभूमिसंपन्नं, इत्थीपसुविवज्जियं ॥३८६॥ -५२
- (४०३) विवित्ता अ भवे सेज्जा, नारीणं न लवे कहं ।  
गिहिसंयवं न कुज्जा, कुज्जा साहूहिं संथवं ॥३८७॥ -५३
- (४०४) जहा कुक्कुडपोयस्स, निधं कुललओ भयं ।  
एवं खु बंभयारिस्स, इत्थिविग्गहओ भयं ॥३८८॥ -५४
- (४०५) चित्तमित्तिं न निज्जाए, नारिं वा सुअलंकियं ।  
भक्खरं पिव दट्टणं, दिङ्घिं पडिसमाहरे ॥३८९॥ -५५
- (४०६) हत्थपायपडिच्छिन्नं, कन्ननासविगप्पियं ।  
अवि वाससयं नारिं, बंभयारी विवज्जए ॥३९०॥ -५६
- (४०७) विभूसा इत्थिसंसग्गी, पणीयं रसधोयणं ।  
नारस्सत्तगवेसिस्स, विसं तालउडं जहा ॥३९१॥ -५७
- (४०८) अंगपच्चंगसंठाणं, चारुल्लवियपेहियं ।  
इत्थीणं तं न निज्जाए, कामरागविवइद्धणं ॥३९२॥ -५८
- (४०९) विसएसु मणुण्णेषु, पेमं नाभिनिथेसए ।  
अनिच्चं तेसीं विण्णाय, परिणामं पुग्गलाण य ॥३९३॥ -५९
- (४१०) पोग्गलाणं परिणामं, तेसिं नद्धा जहा तथा ।  
विणीयतण्हो विहरो, सीईभूएण अप्पणा ॥३९४॥ -६०
- (४११) जाइ सद्धाइ निकखंतो, परिआयट्ठाणमुत्तमं ।  
तमेव अणुपालेज्जा, गुणे आयरियसंभए ॥३९५॥ -६१
- (४१२) तवं चिमं संजमजोगयं च, सज्झायजोगं च सया अहिङ्गए ।  
सूरे व सेणाए समत्तमाउहे, अलमप्पणो होइ अलं परेसिं ॥३९६॥ -६२
- (४१३) सज्झायसज्झाणरयस्स ताइणो, अपावभावस्स तथे रयस्स ।  
विसुज्झई जं सि मलं पुरेकडं, समीरिअं रुप्पमलं व जोइणा ॥३९७॥ -६३
- (४१४) से तारिसे दुक्खसहं जिइंदिए, सुएण जुत्ते अममे अकिचणे ।  
विरायईकम्भघण्मिअद्यगए, कसिणम्मपुडावगमेवचंदिम तिथेभिं ॥३९८॥ -६४

● अट्टमं अञ्जयणं समत्तं ●

नवमं अञ्जयणं—विनसयसमाही

—: प ढ यो—उ हे सो :—

- (४१५) यंभा व कोहा व मयप्पमाया, गुरुस्सनासे विनयं न सिक्खे ।  
सो चेव उ तस्स अणुभायो, फलं व कीयस्स यहाय होइ ॥३९९॥ -१



- (४१६) जे यावि मंदि ति गुरुं विइत्ता, डहरे इमे अप्पसुए ति नच्चा ।  
हीलंति मिच्छं पडिवज्जमाणा, करंति आसायण ते गुरुणं ॥४००॥-२
- (४१७) पगईए मंदा वि भवंति एगे, डहरा विय जे सुयबुद्धोववेया ।  
आयारमंता गुणसुद्धिअप्पा, जे हीलिआ सिहिरिव भास कुआ ॥४०१॥-३
- (४१८) जे यावि नागं डहरं ति नच्चा, आसायए से अहियाय होइ ।  
एवायरियं पि हु हीलयंतो, नियच्छई जाइपहं खु मंदे ॥४०२॥-४
- (४१९) आसीविसो यावि परं सुरुद्धो, किं जीवनासाउ परंनु कुआ ।  
आयरियपायापुणअप्पसन्ना, अबोहिआसायणनत्थिमुक्खो ॥४०३॥-५
- (४२०) जो पावगं जलियमदक्कमिआ, आसीविसं वा वि हु कोवएआ ।  
जो वा विसंखायइ जीयियद्धो, एसोवमासायणया गुरुणं ॥४०४॥-६
- (४२१) सिया हु से पावय नो डहेआ, आसीविसो वा कुविओ न मक्खे ।  
सिया विसं हालहलं न मारे, न यावि मुक्खो गुरुहीलणाए ॥४०५॥-७
- (४२२) जो पव्वयं सिरसा भेतुमिच्छे, सत्तं व सीहं पडिबोहएआ ।  
जो वा दए सत्तिअग्गे पहारं, एसोवमासायणया गुरुणं ॥४०६॥-८
- (४२३) सिया हु सीसेणं गिरिं पि भिंदे, सिआ हु सीहो कुविओ न मक्खे ।  
सिआनभिंदेज्जवसत्तिअग्गं, नयाविमुक्खो गुरुहीलणाए ॥४०७॥-९
- (४२४) आयरिअपाया पुण अप्पसन्ना, अबोहिआसायण नत्थि मुक्खो ।  
तन्हा अणाबाहसुहामिकंखी, गुरुप्पसायाभिमुहो रमेआ ॥४०८॥-१०
- (४२५) जहाहियग्गी जलणं नमंसे, नाणाहुईमंतपयाभिसित्तं ।  
एवायरिअं उवचिद्धएआ, अणंतनाणोवगओ वि संतो ॥४०९॥-११
- (४२६) जस्संतिए धम्मपयाइ सिक्खे, तस्संतिए वेणइयं पउंजे ।  
सक्कंकारए सिरसा पंजलीओ, कायग्गिरा भो मणसा य निच्चं ॥४१०॥-१२
- (४२७) लआ दया संजमबंभचेरं, कल्लाणभागिस्स वितोहिठाणं ।  
जे मे गुरु सययमणुसासयंति, तेहं गुरु सययंपुययामि ॥४११॥-१३
- (४२८) जहा निसंते तवणच्चिमाली, पभासई केवलंभारहं तु ।  
एवायरिओ सुअसीलबुद्धिए, विरायई सुरमज्जे व ईदो ॥४१२॥-१४
- (४२९) जहाससी कोमुइजोगजुत्तो, नक्खत्तारागणपरिवुडप्पा ।  
खे सोहई विमले अब्भमुक्के, एवं गणी सोहइ भिक्खुमज्जे ॥४१३॥-१५
- (४३०) महागरा आयरिआ महेसी, समाहिजोगे सुअसीलबुद्धिए ।  
संपाविउकामे अनुत्तराई, आराहए तीसइ धम्मकामी ॥४१४॥-१६
- (४३१) सोच्चा ण मेहावी सुभासियाई, सुस्सुए आयरियप्पमत्तो ।  
आराहइत्ताणं गुणे अणेगे, से पावइ सिद्धिमनुत्तरं-त्ति बेपि ॥४१५॥-१७

● नबने अज्जयणे पडयो उहेसो तन्त्तो ●

—: बी ओ—उ हे सो —:

- (४३२) मूलाउ खंधप्पमवो दुमस्स, खंधाउ पच्छा समुयेति साहा ।  
साहप्पसाहाविहुरंतिपत्ता, तओसे पुफंचफलंरसोय ॥४१६॥-२

- (४३३) एवं धम्मस्स विणओ, मूलं परमो से मुक्खो ।  
जेण कित्ति सुअं सिग्घं, नीसेसं चाभिगच्छइ ॥४१७॥-२
- (४३४) जे य चंडे मिए थब्बे, दुब्बाई नियडी सडे ।  
धुज्झइ से अविणीयप्पा, कट्टं सोयगयं जहा ॥४१८॥-३
- (४३५) विणयम्मि जो उवाएणं, चोइओ कुप्पइ नरो ।  
दिव्वं सो सिरिमेज्जंति, दंडेण पडिसेहए ॥४१९॥-४
- (४३६) तहेव अविणीयप्पा, उववज्झा हया गया ।  
दीसंति दुहमेहंता, आभिओगमुवड्डिया ॥४२०॥-५
- (४३७) तहेव सुविणीयप्पा, उववज्झा हया गया ।  
दीसंति सुहमेहंता, इईं पत्ता महायसा ॥४२१॥-६
- (४३८) तहेव अविणीयप्पा, लोगंसि नरनारिओ ।  
दीसंति दुहमेहंता, छाया ते विगलिंदिया ॥४२२॥-७
- (४३९) दंडसत्थपरिजुग्घा, असब्बवयणेहि य ।  
कलुणा विवत्रच्छंदा, खुप्पिवासपरिग्गया ॥४२३॥-८
- (४४०) तहेव सुविणीयप्पा, लोगंसि नरनारिओ ।  
दीसंति सुहमेहंता, इईं पत्ता महायसा ॥४२४॥-९
- (४४१) तहेव अविणीयप्पा, देव जक्खा य गुज्झगा ।  
दीसंति दुहमेहंता, आभिओगमुवड्डिया ॥४२५॥-१०
- (४४२) तहेव सुविणीयप्पा, देवा जक्खा य गुज्झगा ।  
दीसंति सुहमेहंता, इईं पत्ता महायसा ॥४२६॥-११
- (४४३) जे आयरियउववज्झायणं, सुस्सुसावयणं करा ।  
तेसिं सिक्खा पवढंति, जलसित्ता इव पायवा ॥४२७॥-१२
- (४४४) अप्पणद्दा परद्दा वा, सिप्पा मेउणियाणि य ।  
गिहिणो उवभोगद्दा, इहलोगस्स कारणा ॥४२८॥-१३
- (४४५) जेण बंधं वहं घोरं, परियावं च दाहणं ।  
सिक्खमाण्णा नियच्छंति, जुत्ता ते ललिइंदिया ॥४२९॥-१४
- (४४६) ते वि तं गुच्छं पूयंति तस्स सिप्पस्स कारणा ।  
सक्कारंति नभंसंति, तुद्दा निहेसवत्तिणो ॥४३०॥-१५
- (४४७) किं पुण जे सुयग्गाही, अनंतहियकामए ।  
आयरिआ जं वए भिक्खु, तम्हा तं नाइवत्तए ॥४३१॥-१६
- (४४८) नीयं सेज्जं गइं ठाणं नीयं च आसणाणि य  
नीयं च पाए वंदेज्जा नीयं कुज्जा य अज्जलिं ॥४३२॥-१७
- (४४९) संघट्टइत्ता काएणं, तहा उवह्णिणामवि ।  
खमेह अवराहं मे, वइअ न पुणो ति य ॥४३३॥-१८
- (४५०) दुग्गाओ वा यओएणं, चोइओ वइइ रहं ।  
एवं दुबुद्धि किच्चाणं, बुत्तो बुत्तो पकुज्जइ ॥४३४॥-१९

- (४५१) [आलवंते लवंते वा, न निसिञ्जाए पडिस्सुणे।  
नत्तूणं आसणं धीरो, सुस्सूसाए पडिस्सुणे] ॥५॥
- (४५२) कालं छंदोवघारं घ, पडिलेहित्ताण हेउहिं ।  
तेण तेण उवाएण, तं तं संपडिवायए ॥४३५॥-२०
- (४५३) वियत्ती अविणीयस्स, संपत्ती विणियस्स य ।  
जत्सेयं दुहओ नायं, सिक्खं से अमिगच्छइ ॥४३६॥-२१
- (४५४) जे यावि चंटे मइइटिगारवे, पिसुणे नरे साहसहीणपेसणे ।  
अदिद्धग्गमेविणएअकोविए, असंविभागीनहुतस्समुक्खो ॥४३७॥-२२
- (४५५) निहेसवत्ती पुण जे गुरूणं, सुअत्यधम्मा विणयम्मि कोविया ।  
तरित्तु ते ओहमिणं दुरुत्तरं, खवित्तु कम्मंगइमुत्तमं गया ॥४३८॥-२३  
ति बेमि

● नक्के अण्णपणे बीओ उहेसो सपत्तो ●

-: त इ ओ-उ हे सो :-

- (४५६) आयरियं अग्निमिवाहियग्गी, सुस्सूसमाणो पडिञ्जागरेञ्जा ।  
आलोइयं इंगियमेव नच्चा, जो छंदमाराइयइ स पुञ्जो ॥४३९॥-१
- (४५७) आयारमट्टा विणयं पउंजे, सुस्सूसमाणो परिगिञ्ज वक्कं ।  
जहोवइद्धं अभिकंजमाणो, गुठं तु नासाययइ स पुञ्जो ॥४४०॥-२
- (४५८) रायणिएसु वणयं पउंजे, डहरा वि य जे परिआयजिइया ।  
नीचत्तणे बट्टइ सच्चवाई, ओवायवं वक्ककरे स पुञ्जो ॥४४१॥-३
- (४५९) अण्णायउंछं घरई विसुद्धं, जवणवुवा समुयाणं घ निद्धं ।  
अलच्छुयं नो परिदेवएञ्जा, लध्धुं न विककत्तयपई स पुञ्जो ॥४४२॥-४
- (४६०) संघारसेञ्जासणभत्तपाणे, अपिच्छया अहलामे वि संते ।  
जो एवम्याणमितीसइञ्जा, संतोसपाहन्नरए स पुञ्जो ॥४४३॥-५
- (४६१) सक्का सहेउं आसाए कंटया, अओमया उच्छहया नरेणं ।  
अणासए जो उ सहिअ कंटए, वईमए कन्नसरे स पुञ्जो ॥४४४॥-६
- (४६२) मुहुत्तदुक्खा हुं हवंति कंटया, अओमया ते वि तजो सुउद्धरा ।  
वायादुरुत्ताणि दुरुद्धाराणि, थेराणुबंधीणि महम्मयाणि ॥४४५॥-७
- (४६३) समावयंता वयणाभिधाया, कन्नंगया दुम्मणियं जणति ।  
घम्मू ति किच्चा परमग्गसुरे, जिइदिए जो सहई स पुञ्जो ॥४४६॥-८
- (४६४) अयण्णव्यायं च परम्महस्स, पच्चक्खओ पडिणीयं च भासं ।  
ओहारिणिं अप्पियकारिणिं च, भासं न भासेअ सया स पुञ्जो ॥४४७॥-९
- (४६५) अलोलुए अक्कुहए अमाई, अपिसुणे आवि अदीनवित्ती ।  
नो भावए नो वि अ भावियप्पा, य कोउइल्ले अ सया स पुञ्जो ॥४४८॥-१०
- (४६६) गुणेहिं साहू अगुणेहिंऽसाहू, गिण्ठाहिं साहू गुण मुंचऽसाहू ।  
विआणिया अप्पगममएणं, जो रागदोसेहिं समो स पुञ्जो ॥४४९॥-११

- (४६७) तदेव इहरं घ महल्लगं वा, इत्थी पुमं पव्वइअं गिहिं वा ।  
नो हीलए नो वि य खंसइआ, धंभं घ कोहं च चए स पुओ ॥४५०॥ -12
- (४६८) जे माणिआ सययं माणयंति, जत्तेण कत्रं व निवेसयंति ।  
ते माणए माणरिहे तवस्सी, जिइदिए सघरए स पुओ ॥४५१॥ -13
- (४६९) तेसिं गुरुण गुणसायराणं, सुञ्जाण मेहावी सुभासियाइं ।  
घरे मुणी पंघरए तिगुत्तो, चउक्कसायावगए स पुओ ॥४५२॥ -14
- (४७०) गुरुमिह सययं पडियरिय मुत्ती, जिणमयनिउणे अभिगमकुसले ।  
धुणियरयमलंपुरेकडं, भासुरमउलंगइं गयतिबेमि ॥ ॥४५३॥ -15

● नवमं अङ्गवर्णये तद्दो उद्देशो सम्पत्तो ●

-: च उ त्यो-उ दे सो :-

(४७१) सुयं मे आउसं तेणं भगवया एवमक्खायं-इह खलु धेरेहिं भगवंतेहिं चत्तारि  
दिनयसमाहिट्टाणा पत्रता । कयरे खलु ते धेरेहिं भगवंतेहिं चत्तारि दिनयसमाहिट्टाणा पत्रता इने  
खलु ते धेरेहिं भगवंतेहिं चत्तारि दिनयसमाहिट्टाणा पत्रता तं जहा-विनयसमाही सुयसमाही,  
तवसमाही, आयारसमाही ।१६।

(४७२) विणए सुए अ तवे, आयारे निद्य पंडिआ ।

अभिरामयंति अप्पाणं, जे भवंति जिइदिआ ॥४५४॥ -1

(४७३) चउब्बिहा खलु दिनयसमाही भवही तं जहा-अनुसासिजंतो सुस्सुसइ, सम्मं  
संपडियजइ, वेपमाराहयइ, न य भवइ अत्तसंपग्गहिए चउत्यं परं भवइ ।१७।

(४७४) [भवइ इत्य सिलोगो] । १८ -क।

(४७५) पेहेइ हियाणुसासणं सुस्सुसइ तं घ पुणो अहिट्टिए

न य माणमएण मज्जई विनयसमाहिआपयट्टिए ॥४५५॥ -2

(४७६) चउब्बिहा खलु सुयसमाही भवइ तं जहा-सुयं मे भविस्सइ ति अज्जाइयव्वं  
भवइ, एगग्गचित्तो भविस्सामि ति अज्जाइयव्वयं भवइ, अप्पाणंठावइस्सामि ति अज्जाइयव्वयं  
भवइ, ठिओ परं ठावइस्सामि ति अज्जाइयव्वयं भवइ चउत्यं परं भवइ ।१८।

(४७७) [भवइ अ इत्य सिलोगो] ।१९-क।

(४७८) नाणमेग्गचित्तो य, ठिओ य ठावइ परं ।

सुयाणि य अहिज्जिता, रओ सुयसमाहिए" ॥४५६॥ -3

(४७९) चउब्बिहा खलु तवसमाही भवइ तं जहा-नो इहलोगट्टयाए तवमहिट्टेज्जा, नो  
परलोगट्टयाए नव महिट्टेज्जा, नो कि- त्तिवन्नसह्लासलोगट्टयाए तवमहिट्टिआ, नन्नत्थ निअरट्टयाए  
तवमहिट्टिआ चउत्यं परं भवइ ।१९।

(४८०) [भवइ य इत्य सिलोगो]

(४८१) विविहगुणतवोरए, निअं भवइ निरासए निअरट्टिए ।

तवसा धुणइ पुराणपावगं, जुत्तोसया तवसमाहिए" ॥४५७॥ -4

(४८१) चउब्बिहा खलु आयारसमाही भवइ तं जहा-नो इहलोगट्टयाए आयारमहिट्टिआ,  
नो परलोगट्टयाए आयारमहिट्टिआ, नो कित्तिवन्नसह्लासलोगट्टयाए आयारमहिट्टिआ, नन्नत्थ  
आरहंतेहिं हेऊहिं आयारमहिट्टिआ चउत्यं परं भवइ ।२०।

## [भवइ य इत्व सिलोगो]

- (४८२) जिणवयनरए अंतिंतिणे, पडिपुन्नाययमाययट्टिए  
आयारसमाहिसंवुडे, भवइ य दंते भावसंघए ॥४५८॥-४
- (४८३) अभिगम चउरो समाहिओ, सुविसुद्धो सुसमाहिअप्यओ ।  
विउल्लहिय सुहावहं पुणो, कुव्वइ सो पयखेममप्पणी ॥४५९॥-४
- (४८४) जाइमरणाओ मुच्चई, इत्थत्वं य थयइ सव्वसो ।  
सिद्धे वा भवइ सासए, देवे वा अप्परए महिहिए -त्ति वेमि ॥ ४६०॥-७
- नमवे अज्जयणे घउत्थो उडेसो सम्भतो ● नममं अज्जयणं समत्तं ●

## [दसम-अज्जयणं-स-भिकखू]

- (४८५) निक्खम्ममाणाइ य बुद्धवयणे, निच्चं चित्तसमाहिओ हविज्जा ।  
इत्थीण वसं न यावि गच्छे, वंतं नो पडियायई जे स भिकखू ॥४६१॥-१
- (४८६) पुढविं न खणे न खणावए, सीओदगं न पिए न पियावए ।  
अगणि सत्थं जहा सुनिसियं, तं न जले न जलावए जे स भिकखू ॥४६२॥-२
- (४८७) अनिलेण न धीए न धीयावए, हरियाणि न छिंदे न छिंदावए ।  
बीयाणि सया विवज्जयंतो, सचित्तं नाहारए जे स भिकखू ॥४६३॥-३
- (४८८) वहणं तसथावरणं होइ, पुढवितणकट्टुनिस्सियाणं ।  
तन्हा उदेसिअं न भुंजे नो वि पए न पयावए जे स भिकखू ॥४६४॥-४
- (४८९) रोइय नायपुत्तवयणे, अत्तसमे मन्नेज्ज छप्पि काए ।  
पंच य फासे महव्वयाई, पंचासवसंवरं जे स भिकखू ॥४६५॥-५
- (४९०) चत्तारि थमे सया कसाए, धुवजोगी हयेज्ज बुद्धययणे ।  
अहणे निज्जायरुवरए, गिह्जिजोगं परिवज्जए जे स भिकखू ॥४६६॥-६
- (४९१) सम्पदिट्ठी सया अमूढे, अत्थि हु नाणे तवे संजमे य ।  
तवसा घुणइ पुराणपावगं, मणवयकायसुसंवुडे जे स भिकखू ॥४६७॥-७
- (४९२) तहेव असणं पाणगं वा, विविहं खाइमसाइमं लभित्ता ।  
होही अणो सुए परे वा, तं न निहे न निहावए जे स भिकखू ॥४६८॥-८
- (४९३) तहेव असणं पाणगं वा, विविहं खाइमसाइमं लभित्ता ।  
छंदिअ साहम्मियाण भुंजे, मुच्चा सज्जायरए जे स भिकखू ॥४६९॥-९
- (४९४) न य घुग्गहियं कहं कहेज्जा, न य कुप्पे निहुइदिए पसंते ।  
संजमधुयजोगजुत्ते, उवसंते अविहेडए जे स भिकखू ॥४७०॥
- (४९५) जो सहइ हु गामकंटए, अक्कोसपहारतज्जणाओ य ।  
भयभेरवसंदसम्पहासे, समसुहदुक्खसहे य जे स भिकखू ॥४७१॥
- (४९६) पडिमं पडिवज्जिया सुसाणे, नो मीयए भयभेरवाइं दिस्सं ।  
विविहगुणतवोरए य निच्चं, न सरीरं चाभिकंखई जे स भिकखू ॥४७२॥
- (४९७) असई वोसिट्ठचत्तदेहे, अक्कुडे व हए वलूसिए वा ।  
पुढविसमे मुनी हवेज्जा, अनियाणे अकोउरह्ले जे स भिकखू ॥४७३॥

- (४९८) अभिभूय काएण परीसहाइ, समुद्धरे जाइपहाउ अम्यं ।  
विइतु जाईमरणं महम्मयं, तवे रए सामाणिए जे स भिक्खू ॥४७४॥
- (४९९) हत्यसंजए पायसंजए, वायसंजए संजइदिए ।  
अज्झपरए सुसमाहियप्पा, सुतत्थं च वियाणइ जे स भिक्खू ॥४७५॥
- (५००) उवहिम्मि अमुच्छिए अगिद्धे, अत्रायउंछं पुलनिप्पुलाए ।  
कयविककयसन्निहिओविरए, सब्वसंगावगएयजे स भिक्खू ॥४७६॥
- (५०१) अलोल भिक्खू न रसेसु गिज्जे, उंछं घरे जीवियनाभिकंखे ।  
इहिं च सककारण पूरणं च, चाए ठियप्पा अणिहे जे स भिक्खू ॥४७७॥
- (५०२) न परं वएआसि अयं कुसीले, जेणन्तो कुप्पेज्ज न तं यएज्जा ।  
जाणिय पत्तेयं पुत्रपावं, पत्ताणं न समुक्कसे जे स भिक्खू ॥४७८॥
- (५०३) न जाइमत्ते न य रूवमत्ते, न त्तामयत्ते न सुएण मत्ते ।  
मयाणि सब्वाणि विवज्जइता, धम्मज्जाणए जे स भिक्खू ॥४७९॥
- (५०४) पवेयए अज्जपयं महापुणी, धम्मे ठिओ ढवयई परं पि ।  
निक्खम्म वझेज्ज कुसीललिंगं, न यावि हासं कुहए जे स भिक्खू ॥४८०॥
- (५०५) तं देहवासं आसुई असासयं, सया चाए निच्चहियद्वियप्पा ।  
छिंदित्तु जाईमरणस्सबंधणं, उवेइ भिक्खू अपुणागमंगइं ।-तिवेमि ॥४८१॥

● दत्तमं अज्ञयर्षं सम्पत्तं ●

### पदमा चूलिया—रइवक्का

(५०६) इह खलु भो पव्वइएण उप्पण्णदुक्खेणं संजमे अरइसमावन्नचित्तेणं ओहाणुप्येहिणा  
अणोहाइएणं चेव हयरस्सिगयं कुसपोयपडागाभूयाई इभाईं अट्टारस ठाणाईं सम्मं संपडिलेहि-  
यव्वाईं भवंति तं जहा-हं भो दुस्समाए दुप्पजीवी, लहु स्सगा इतिरिआ गिहीणं कामभोगा, मुज्जो य  
साइबहुला मणुस्सा, इमे य, मे दुक्खे न चिरकालोवइइ भविस्सइ, ओमजणपुरक्कारे, वंतस्स य  
पडियाइयणं, अहरगइवासोवसंपया, दुखहे खलु भो ! गिहीणं धम्मे गिह्वासासमज्जे वसंताणं,  
आयंके से वहाय होइ, संकप्ये से वहाय होइ, सोवक्केसे गिह्वासे निरुवक्केसे परिआए, बंधे  
गिह्वासे मुक्खे परियाए, सावज्जे गिहावासे अणवज्जे परियाए, बहुसाहारणा गिहीणं कामभोगा,  
पत्तेयं पुत्रपावं, अणिच्चे खलु भो मणुयाण जीविए कुसग जलबिंदु चंचले, बहु च खलु पावं कम्मं  
पगडं, पावाणं च खलु भो कडाणं कामाणं पुक्खिं दुचित्राणं दुप्पडिकंताणं देइत्ता मुक्खो नत्थि  
अवेयइत्ता तयसा वा झोसइत्ता अट्टारसमं पयं मवइ, [भवइ य इत्य सिलोगो] ॥२९१-१

- (५०७) जया य चयईं धम्मं, अणज्जो भोगकारणा ।  
से तत्थ मुच्छिए बाले, आपइं नावबुज्जइं ॥४८२॥-१
- (५०८) जया ओहाविओ होइ, इंदो वा पडिओ छमं ।  
सब्बधम्मपरिब्भट्ठो, स पच्छा परितप्पइ ॥४८३॥-२
- (५०९) जया अ वंदिमो होइ, पच्छा होइ अचंदिमो ।  
देवया व चुया ठाणा, स पच्छा परितप्पइ ॥४८४॥-३
- (५१०) जया अ पूइमो होइ, पच्छा होइ अपूइमो ।  
राया व रज्जपव्वट्ठो, स पच्छा परितप्पइ ॥४८५॥-४

- (५११) जया य माणियो होइ, पच्छा होइ अमाणियो ।  
सेठ्ठिच्च कब्बडे छुटो, स पच्छा परितप्पइ ॥४८६॥-५
- (५१२) जया अ येरओ होइ, समइक्कंतजोव्वणो ।  
मच्छोव्व गलं गिलिता, स पच्छा परितप्पइ ॥४८७॥-६
- (५१३) जया अ कुकुंडबस्स, कुततीहिं विहम्मइ ।  
हत्थी व बंधणे बद्धो, स पच्छा परितप्पइ ॥४८८॥-७
- (५१४) पुत्तदारपरिकिन्नो, मोहसंताणसंतओ ।  
पंकोसन्नो जहा नागो, स पच्छा परितप्पइ ॥४८९॥-८
- (५१५) अज्ज आहं गणी हुंतो, भाविअप्पा बहुस्सुओ ।  
जइ हं रमतो परियाए, साम्भ्रे जिनदेसिए ॥४९०॥-९
- (५१६) देवलोगसमाणो य, परियाओ महेसिणं ।  
रयाणं अरयाणं च, महानरयसारिसो ॥४९१॥-१०
- (५१७) अमरोवमं जाणिय सुक्खमुत्तमं, रयाण परियाए तहारयाणं ।  
निरओवमं जाणिय दुक्खमुत्तमं, रमेज्ज तम्हा परियायपंडिए ॥४९२॥-११
- (४९८) धम्माउ मट्ठं सिरिओ ववेयं, जप्पग्गि विज्जायभिवप्पते यं ।  
हीलंति णं दुव्विहिअं कुसीला, दाहुद्धि यं घोरविसं व नाणं ॥४९३॥-१२
- (५१९) इहेव धम्मो अयसो अकित्ती, दुन्नमधेज्जं च पिहुज्जणम्मि ।  
चुयस्स धम्माउ अहम्मसेविणो, संभिन्नवित्तस्स य हेट्ठओ गई ॥४९४॥-१३
- (५२०) भुजित्तु भोगाई पसज्ज चयेसा, तहाविहं कट्ठ असंजमं बहुं ।  
गई च गच्छे अण्हिहिज्जिअं दुहं, बोही अ से नो सुलहा पुणोपुणो ॥४९५॥-१४
- (४२१) इमस्स ता नेरइयस्स जंतुणो, दुहोवणीयस्स किलेसवत्तिणो ।  
पल्लिओवमं झिज्जइ सागरोवमं, किसंग पुण मज्ज इम मणोदुहं ॥४९६॥-१५
- (४२२) न मे चिरं दुक्खमिणं भविस्सइ, असासया भोगपिवास जंतुणो ।  
न चे सरीरेण इमेणऽविस्सइ, अविस्सई जीवियपज्जवेण मे ॥४९७॥-१६
- (४२३) जस्सेवमप्पा उ हविज्ज भिच्छिओ, चएज्ज देहं न हु धम्मसासणं ।  
तं तारिसंनो पयलेंति इंदिया, उविति वाया व सुदंसणं गिरि ॥४९८॥-१७
- (५२४) इच्छेव संपस्सिअ बुद्धिमं नरो, आयं उवायं विविहं वियाणिया ।  
कएण वाया अदु माणसेणं, तिगुत्तिगुत्तो जिणवयणमड्ढिड्डिआसि ॥४९९॥-१८

ति वैमि

## ● पठमा चूलिया समत्ता ●

## बिइया चूलिया—विवित्तचरिया

- (५२५) चूलियं तु पवक्खामि, सुयं केवलिभासियं ।  
जं सुणित्तु सुपुन्नाणं, धम्मे उप्पज्जए मई ॥५००॥-१
- (५२६) अणुसोयपड्डिए बहुजणम्मि, परिसोयलद्धलक्खेणं ।  
पड्डिसोयमेव अया, दायव्वो होउकामेणं ॥५०१॥-२

- (५२७) अणुसोयसुहो लोओ, पडिसोओ आसबो सुविद्धियार्णं ।  
अणुसोओ संसरो, पडिसोओ तस्स उत्तरो ॥५०२॥-३
- (५२८) तन्हा आचारपरक्कमेण, संवरसमाहिबहुलेणं ।  
घरिया गुणा य नियमा य, हुंति साहूण दडुव्वा ॥५०३॥-४
- (५२९) अणिएयवासो समुयाणघरिया, अत्रायउंछं पइरिक्कया य ।  
अप्पोवही कलहयिवज्जाणा य, विहारघरिया इसिणं पसत्या ॥५०४॥-५
- (५३०) आइत्रओ माणविवज्जाणा य, ओसन्नदीड्ढाहडभत्तपाणे ।  
संसद्रुकप्पेण घीज्ज भिक्खु, तज्जायसंसद्रु जई जएज्जा ॥५०५॥-६
- (५३१) अमज्जर्मसासि अमच्छरीया, अभिक्खणं निव्विगइं गओ अ ।  
अभिक्खणं काउस्सग्गकारी, सज्जायजोगे पयओ हवेज्जा ॥५०६॥-७
- (५३२) न पडिन्नविज्जा सयणासणाइं, सेज्जं निसेज्जं तह भत्तपाणं ।  
गामे कूले वा नगरे थ देसे, ममत्तमावं न कहिं पि कुज्जा ॥५०७॥-८
- (५३३) गिहिणी वेयावडिअं न कुज्जा, अभिवायणं वंदण पूयणं वा ।  
असंकिलिट्ठेहिं समं वसेज्जा, मुणी घरित्तस्स जओ न हाणी ॥५०८॥-९
- (५३४) न या लभेज्जा निउणं सहायं, गुणाहियं वा गुणओ समं वा ।  
एक्को वि पावाइं विवज्जयंतो विहरिज्ज कामेसु असज्जमाणो ॥५०९॥-१०
- (५३५) संवच्छरं वा वि परं पमाणं, बीयं च वासं न तहिं वसेज्जा ।  
सुत्तस्स मग्गेण घरिज्ज भिक्खु, सुत्तस्स अत्थी जह आणवेइ ॥५१०॥-११
- (५३६) ओ पुव्वरत्तावररत्ताकाले, संपिक्खई अप्पगमप्यएणं ।  
किं मे कडं किं च मे किं हसेसं, किं सक्कणिज्जं न समायरामि ॥५११॥-१२
- (५३७) किं मे परो पासइ किं च अप्पा, किं दाहं खलियं न विवज्जयामि ।  
इच्छेव सम्मं अनुपासमाणो, अणागयं नो पडिबंध कुज्जा ॥५१२॥-१३
- (५३८) जत्थेव पासे कइ दुप्पुउत्तं, काएण वाया अदु माणसेणं ।  
तत्थेव धीरो पडिसाहरेज्जा, आइत्रओ खिप्पमिव कखलीणं ॥५१३॥-१४
- (५३९) जस्सेरिसा जोग जिइंदियस्स, धिईमओ सप्पुरिसस्स निच्चं ।  
तमाहु लोए पडिवुद्धजीवी, सो जीवइ संजमजीविएणं ॥५१४॥-१५
- (५४०) अप्पा खलु सययं रक्खियव्वो, सव्विदिएहिं सुसमाहिएहिं ।  
अरक्खिओ जाइपहं उवेइ, सुरक्खिओ सव्वदुहणं मुच्चइ ॥५१५॥-१६

-ति वेमि

● विद्या पुता समता ●

४२ दसवेआलियं समत्तं

तइअं मूलसुत्तं समत्तं



## સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્ણંગ ક્રમાંક સૂચવે છે. [અણુક્રમ]
૨. છેડે જમણી બાજુએ દર્શાવેલ રિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષા નો સૂત્રાંક મૂકેલો છે. [સુત્તંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મૂકેલો છે. [ગાઠંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [ ] આ રીતે ચોરસ કોંસ મૂકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.


[5]

:- अ-भा-रा-प्र-का-श-जो :-

- [१] अभिनव हेम लघुप्रक्रिया -१- सप्ताङ्ग विवरणम्  
 [२] अभिनव हेम लघुप्रक्रिया -२- सप्ताङ्ग विवरणम्  
 [३] अभिनव हेम लघुप्रक्रिया -३- सप्ताङ्ग विवरणम्  
 [४] अभिनव हेम लघुप्रक्रिया -४- सप्ताङ्ग विवरणम्  
 [५] घृन्तमाला  
 [६] चैत्यवन्दन पर्वमाला  
 [७] चैत्यवन्दन सङ्ग्रह - तीर्थजिनविशेष  
 [८] चैत्यवन्दन चोविशी  
 [९] शत्रुञ्जय भक्ति [आवृत्ति-दो]  
 [१०] अभिनव जैन पञ्चाङ्ग - २०४६  
 [११] अभिनव उपदेश प्रासाद -१- श्रावक कर्तव्य - १ थी ११  
 [१२] अभिनव उपदेश प्रासाद -२- श्रावक कर्तव्य - १२ थी १५  
 [१३] अभिनव उपदेश प्रासाद -३- श्रावक कर्तव्य - १६ थी ३६  
 [१४] नवपद्य-श्रीपाल- [शाश्वती ओणीना व्याख्यान रूपे]  
 [१५] समाधिभरत [विधि-सूत्र-पद्य-आराधना- भरतभेद-संग्रह]  
 [१६] चैत्यवन्दनमाणा [७७८ चैत्यवन्दनो नो संग्रह]  
 [१७] तत्त्वार्थ सूत्र प्रबोधटीका [अध्याय-१]  
 [१८] तत्त्वार्थ सूत्रना आगम आधार स्थानो  
 [१९] सिद्धायलनो साथी [आवृत्ति-जे]  
 [२०] चैत्यपरिपाटी  
 [२१] अमदावाद जिनमंदिरे उपाश्रय आदि डिरेक्टर  
 [२२] घटुंज्य लङ्कित [आवृत्ति-जे]  
 [२३] श्री नवकारमंत्र नवलाप जाप नोंधपोथी  
 [२४] श्री चारित्र पद्य ऐक करोड जाप नोंधपोथी  
 [२५] श्री भारप्रत पुस्तिका तथा अन्य नियमो [आवृत्ति-चार]  
 [२६] अभिनव जैन पंचांग- २०४२; [सर्व प्रथम, १३ दिव्यागोभां]  
 [२७] श्री ज्ञानपद्य पूजा  
 [२८] अंतिम आराधना तथा साधु साध्वी काणधर्म विधि  
 [२९] श्रावक अंतिम आराधना [आवृत्ति-त्रय]  
 [३०] वीतराग स्तुति संयम [११५१-त्वाववाही स्तुतिओ]  
 [३१] (पूज्य आगमोद्धारकश्रीना समुदायना) कायथी संपर्क स्थणो  
 [३२] तत्त्वार्थाधिगमसूत्र अभिनवटीका- अध्याय-१  
 [३३] तत्त्वार्थाधिगमसूत्र अभिनवटीका - अध्याय-२  
 [३४] तत्त्वार्थाधिगमसूत्र अभिनवटीका- अध्याय-३

## [6]

- [३५] तत्त्वार्थाधिगम सूत्र अभिनवटीका- अध्याय-४  
 [३६] तत्त्वार्थाधिगम सूत्र अभिनवटीका- अध्याय-५  
 [३७] तत्त्वार्थाधिगम सूत्र अभिनवटीका- अध्याय-६  
 [३८] तत्त्वार्थाधिगम सूत्र अभिनवटीका- अध्याय-७  
 [३९] तत्त्वार्थाधिगम सूत्र अभिनवटीका- अध्याय-८  
 [४०] तत्त्वार्थाधिगम सूत्र अभिनवटीका- अध्याय-९  
 [४१] तत्त्वार्थाधिगमसूत्र अभिनवटीका- अध्याय-१०



[४२] आयारो	[आगमसुत्ताणि-१ ]	पढमं अंगसुत्तं
[४३] सूयगडो	[आगमसुत्ताणि-२ ]	बीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपत्रति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाइयदसाओ	[आगमसुत्ताणि-९ ]	नवमं अंगसुत्तं
[५१] पण्हावागरणं	[आगमसुत्ताणि-१० ]	दसमं अंगसुत्तं
[५२] विवागसूयं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पढमं उवंगसुत्तं
[५४] रायपसेणियं	[आगमसुत्ताणि-१३ ]	बीअं उवंगसुत्तं
[५५] जीवाजीवाभिगम	[आगमसुत्ताणि-१४ ]	तइयं उवंगसुत्तं
[५६] पत्रवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपत्रति	[आगमसुत्ताणि-१६ ]	पंचमं उवंगसुत्तं
[५८] चंदपत्रति	[आगमसुत्ताणि-१७ ]	छट्ठं उवंगसुत्तं
[५९] जंबूद्वीवपत्रति	[आगमसुत्ताणि-१८ ]	सत्तमं उवंगसुत्तं
[६०] निरयावल्लियाणं	[आगमसुत्ताणि-१९ ]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२० ]	नवमं उवंगसुत्तं
[६२] पुप्फियाणं	[आगमसुत्ताणि-२१ ]	दसमं उवंगसुत्तं
[६३] पुप्फवूल्लियाणं	[आगमसुत्ताणि-२२ ]	एक्करसमं उवंगसुत्तं
[६४] वणिहदसाणं	[आगमसुत्ताणि-२३ ]	यारसमं उवंगसुत्तं
[६५] घउसरण	[आगमसुत्ताणि-२४ ]	पढमं पईण्णं
[६६] आउरपच्चक्खाण	[आगमसुत्ताणि-२५ ]	बीअं पईण्णं
[६७] महापच्चक्खाण	[आगमसुत्ताणि-२६ ]	तइअं पईण्णं
[६८] भत्त परिण्णा	[आगमसुत्ताणि-२७ ]	चउत्थं पईण्णं

## [7]

[૬૯] તંદુલવેપાલિયં	[આગમસુત્તાણિ-૨૮ ]	પંચમં પર્ણગંગ
[૭૦] સંધારાગં	[આગમસુત્તાણિ-૨૯ ]	છટ્ઠં પર્ણગંગ
[૭૧] ગચ્ઠાચાર	[આગમસુત્તાણિ-૩૦-૧ ]	સત્તમં પર્ણગંગ-૧
[૭૨] ચંદાચિજય	[આગમસુત્તાણિ-૩૦-૨ ]	સત્તમં પર્ણગંગ-૨
[૭૩] ગણિવિજ્ઞા	[આગમસુત્તાણિ-૩૧ ]	અટ્ઠમં પર્ણગંગ
[૭૪] દેવિંદત્થઓ	[આગમસુત્તાણિ-૩૨ ]	નવમં પર્ણગંગ
[૭૫] મરણસમાહિ	[આગમસુત્તાણિ-૩૩/૧ ]	દસમં પર્ણગંગ-૧
[૭૬] ધીરત્થવ	[આગમસુત્તાણિ-૩૩/૨ ]	દસમં પર્ણગંગ-૨
[૭૭] નિસીહ	[આગમસુત્તાણિ-૩૪ ]	પદ્મં છેયસુતં
[૭૮] કુહત્ કપ્પો	[આગમસુત્તાણિ-૩૫ ]	વીઅં છેયસુતં
[૭૯] વવહાર	[આગમસુત્તાણિ-૩૬ ]	તદ્અં છેયસુતં
[૮૦] દસાસુયક્કલંધં	[આગમસુત્તાણિ-૩૭ ]	ચડત્યં છેયસુતં
[૮૧] જીયકપ્પો	[આગમસુત્તાણિ-૩૮/૧ ]	પંચમ છેયસુતં-૧
[૮૨] પંચકપ્પભાસ	[આગમસુત્તાણિ-૩૮/૨ ]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯ ]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦ ]	પદ્મં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧ ]	વીઅં મૂલસુતં-૧
[૮૬] પિંહનિજ્ઞુત્તિ	[આગમસુત્તાણિ-૪૧/૨ ]	વીઅં મૂલસુતં-૨
[૮૭] દસવેપાલિઅં	[આગમસુત્તાણિ-૪૨ ]	તદ્અં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩ ]	ચડત્યં મૂલસુતં
[૮૯] નંદીસૂયં	[આગમસુત્તાણિ-૪૪ ]	પદ્મા ચૂલિયા
[૯૦] અણુઅંગદારાઈ	[આગમસુત્તાણિ-૪૫ ]	વિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ધ્રિયલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે "આગમ શ્રુત પ્રકાશન" વડોદરા નો રૂ. ૧૫૦૦/-  
ની કિંમતનો ક્ષાફટ આપીને જ સેટ મેળવી શકાયો.

## -: પરિસિદ્ધ-નિદંસણં :-

- ૧ પરિસિદ્ધ - “વિસયાણુક્કમો”  
આ પરિશિષ્ટમાં ૪૫-[૪૯] આગમનાં વિષયોની ભૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બુહત્ વિસય કોસ” જેવું.
- ૨- વીયં પરિસિદ્ધ “વિસિદ્ધ સદ્ધાણુક્કમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્ધકોસ” જેવું.
- ૩- ત્ત્વયં પરિસિદ્ધ- “વિસેસ નામાણુક્કમો”  
૪૫-[૪૯] આગમમાં આવતા પાસ નામો જેવા કે ગોચમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- વ્વચ્ચં પરિસિદ્ધ - “ગાહાણુક્કમો”  
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધ “સુત્તાણુક્કમો”  
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપધોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ઘંદવન્તિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સચિતિ, (૨) દેવચંદ લાલભાઈ ફંડ (૩) ઋષભદેવ કેશરીમલ પેઠી એ ત્રણ સંસ્થાના પ્રકાશનો જ લીધા છે. - ઘંદ વન્તિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, નિસીહ-પૂ.કર્નેયાલાલજી સંપાદિત, ઘયહાર, પૂ. મુનિ માણેક સંપાદિત, જીયકમ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુવક્ષંધ ની પૂર્ણિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.स्य.३ शु.ता.नु.रा.गी श्री.म.श्री.पा.सि.का

श्रीमती नयनाजहेन रमेशचंद्र शाह - परिवार, पडोहरा

प्रस्तुत आगमनां मुख्य द्रव्य सहायक